

БАНК АХБОРОТНОМАСИ

БАНК ХОДИМЛАРИ ВА ТАДБИРКОРЛАРНИНГ ҲАФТАЛИК НАШРИ

№ 38 (1217)

2019 йил 3 октябрь

Газета 1995 йил январдан бошлаб нашр этилмоқда

ISSN 2010-6602

@bank_axborotnomasi

Сайтимизга ўтиш учун QR коддини телефонингиз орқали сканер қилинг



ҲАМКОРЛИК

ЕРЕВАН ШАҲРИГА ТАШРИФ

Марказий банк, йирик давлат банклари ҳамда Кредит бюро раҳбар ходимлари иштирокидаги делегация жорий йилнинг 23-27 сентябрь кунлари тажриба алмашиш мақсадида Арманистон Республикасининг Ереван шаҳрига ташриф буюрди.



Бир ҳафталик ташриф давомида Арманистон Республикаси Марказий банки, Кредит бюроси, Молиявий яраштирув офиси ва етакчи тижорат банклари мутахассислари билан учрашувлар ташкил этилди.

Арманистон Республикаси Марказий банкида ўтказилган учрашувлар давомида кредит ташкилотларини тартибга солиш ва назорат қилиш, кредит ахбороти реестрини юритиш ҳамда маълумотлар алмашиш, истеъмолчиларнинг ҳуқуқларини ҳимоя қилиш ва аҳолининг молиявий саводхонлигини ошириш масалалари ўрганилди.

Молиявий хизматлар истеъмолчилари ва уларни тақдим

этувчилар ўртасидаги баҳсларни мувофиқлаштирувчи Молиявий яраштирув офисида мазкур офис иш фаолияти жараёнлари билан атрофлича танишиб чиқилди.

Ўз навбатида, Арманистон тижорат банклари фаолияти билан яқиндан танишиш мақсадида Арарат банк, ВТБ банк, Америа банк ҳамда АйДи банклар мутахассислари билан учрашувлар ўтказилди ва уларда қуйидаги масалалар атрофлича муҳокама қилинди. Хусусан:

- банкларнинг ташкилий тузилмаси ва корпоратив бошқарув тизими;
- чакана кредитлашни стратегик режалаштириш ва унинг риск-аппетити;

– депозитларни жалб қилиш ва чакана кредитлаш жараёнлари;

– ҳаракатсиз кредитларни қайтариш ва мониторинг қилиш тизими;

– банкларнинг скоринг моделлари;

– риск менежмент ва ички назорат;

– кичик бизнес ва хусусий тадбиркорлик субъектлари учун кўрсатиладиган молиявий хизматлар;

– рақамли инновация. Шу билан бирга, ушбу масалаларнинг амалдаги жараёни билан танишиш мақсадида юқорида номлари қайд этилган тижорат банклари филиалларига ташрифлар уюштирилди.

Cbu.uz

ПРЕСС-ТУР

“АГРОБАНК”: КЛАСТЕРЛАР ЭКСПОРТ САЛОҲИЯТИНИ ОШИРМОҚДА



Айни кунда пахта-тўқимачилик кластерларини ташкил этиш ва шу орқали тўқимачилик саноатини ривожлантириш борасида кўплаб саъй-ҳаракатлар олиб борилмоқда. “Агробанк” АТБ томонидан ҳам ушбу тармоқни молиявий қўллаб-қувватлаш учун кенг қўламли ишлар қилинаётир. Жумладан, пахта-тўқимачилик ишлаб чиқаришни замонавий шакллари жорий этиш бўйича шу давргача 74 та кластер корхонаси ташкил этилиб, уларнинг 33 таси билан “Агробанк” томонидан пахта ҳосилини молиялаштириш бўйича банк филиаллари ўртасида шартномалар имзоланди. Унга кўра, пахта-тўқимачилик корхоналарига пахта ҳосилини етиштириш қийматининг 60 фоизи миқдорида 2 042,7 млрд. сўмлик кредит ажратилган.

(Давоми 6-саҳифада)

СПОРТ

“ТРАСТБАНК” ЮБИЛЕЙИНИ ЎЗГАЧА НИШОНЛАДИ

Жорий йилнинг 28 сентябрь кун Олий ўқув юртлари спорт мажмуасида “Трастбанк” хусусий акциядорлик банки томонидан банк ходимлари ўртасида соғлом турмуш тарзини тарғиб қилиш, банкнинг 25 йиллик юбилейини кенг нишонлаш, шунингдек, Ўзбекистон Республикаси Президенти томонидан илгари сурилган беш муҳим ташаббуснинг иккинчи йўналиши бўйича ишлаб чиқилган чора-тадбирлар дастурига асосан, банк ходимларини жисмонан чиниқтириш ва уларни спорт соҳасидаги қобилиятларини намоён қилишлари мақсадида, бош офис ва филиаллар ўртасида “Спартакиада – 2019” спорт мусобақаларининг финал босқичи ташкил этилди.



Унинг тантанали очилиш маросимида Банк Кенгаши раиси Тоҳир Шарипов йиғилганларни самимий қутлар экан, мамлакатимизда ёшларга кўрсатилаётган юксак эътибор ва ғамхўрлик ҳақида алоҳида тўхталиб ўтди.

– Банкнинг 25 йиллик юбилейига бағишланган муҳим спорт тадбирида Сизларни қутлашдан жуда мамнунман! Бугун бизни ёрқин ва унутилмас байрам тадбири кутмоқда. Мазкур спорт мажмуасида қизиқарли спорт турлари ва байрам тантаналари муҳити ҳукм сурмоқда, – деди Тоҳир Шарипов. – Мамлакатимизда жисмонан бақувват, соғлом фикрли, билимдон, юксак маънавиятли, шижоатли авлодларни тарбиялаб вояга етказишга қаратилган эзгу ишлар амалга ошириб келинмоқда. Бугунги спорт тадбиримиз юртимизда амалга оширилаётган кенг қўламли ислохотларда ёшларнинг фаол иштирокини таъминлаш, юксак маънавиятли, мустақил ва эркин фикрлайдиган, замонавий илм-фан ютуқларини пухта ўзлаштирган ҳар томонлама соғлом ва баркамол авлодни вояга етказишга қаратилган. Бугун мен сизлардаги шижоатни кўриб турганимдан янада қувоняпман. Банкнимиз 25 йил давомида ўз географиясини сезиларли даражада кенгайтирди, банк ходимлари сони бир неча бор ўсди.

(Давоми 12-саҳифада)



“KAFOLAT SUG'URTA KOMPANIYASI” ИНВЕСТИЦИЯ ЖАЛБ ҚИЛИШДА ФАОЛ

→ 3



БИРЖА САВДОЛАРИДА ПАСАЙИШ КУЗАТИЛДИ

→ 5



ЭНГ КАТТА МАОШИ ТОП ЎНТАЛИГИ

→ 8



ОАВ ХАБАРЛАРИГА МАРКАЗИЙ БАНКНИНГ МУНОСАБАТИ

Сўнги вақтларда оммавий ахборот воситаларида импорт операциялари бўйича валюта конвертациясига чекловлар киритилганлиги билан боғлиқ хабарлар тарқалмоқда.

Маълумки, 2017 йилнинг сентябридан эътиборан барча хўжалик юритувчи субъектлар ички валюта бозоридан жорий халқаро операциялар учун хорижий валютани ҳеч қандай чекловларсиз эркин харид қилиш ҳуқуқига эгадирлар.

Эркин конвертация амалиёти жорий қилинган вақтдан бошлаб хорижий валютани сотиш ва сотиб олиш билан боғлиқ валюта операциялари ҳажми бир неча баробар ошди.

Жорий йилнинг январь-сентябрь ойларида хўжалик юритувчи субъектларга валюта маблағларини сотиш операцияларининг ўртача ойлик ҳажми 2017 йил кўрсаткичларига нисбатан қарийб 3 баробарга, валюта маблағлари хариди эса 2 баробардан зиёдга ўсди.

Хорижий валюта сотиб олган хўжалик юритувчи

субъектлар сони жорий йилнинг август ойида 7,6 минг нафарга етган бўлса, ушбу кўрсаткич 2018 йилда 4,1 минг нафарни, 2017 йилда эса 340 нафарни ташкил этган.

Иқтисодийни либераллаштириш ва шаффофлигини таъминлаш билан бир вақтда, давлат улуши мажбур бўлган хўжалик юритувчи субъектлар фаолияти самарадорлигини ошириш ва маҳаллий ишлаб чиқаришни қўллаб-қувватлаш учун давлат ресурсларидан оқилона фойдаланиш борасида ҳам тегишли чора-тадбирлар амалга оширилмоқда.

Бироқ, амалиётда давлат харидлари доирасида мамлакатда ишлаб чиқарилиши йўлга қўйилган (ҳам сифат, ҳам нарх жиҳатидан) товарлар импорти учун давлат ресурсларидан фойдаланиш, уларнинг нархларини ошириб кўрсатиш, шунингдек, тегишли маркетинг тадқиқотлари ўтказилмаган ҳолда, ўз фаолиятига хос бўлмаган ва кераксиз товарларни олиб кириш ҳолатлари кузатилиб, бу ўз навбатида иқтисодий асос

сиз ҳолда давлат ресурсларининг четга чиқиб кетишига олиб келмоқда.

Юқоридаги ҳолатларнинг олдини олиш мақсадида, Ҳукумат томонидан давлат харидлари, инвестиция ва бошқа дастурлари доирасида, алоҳида давлат корхоналарининг импорт шартномаларини ишлаб чиқариш ва инвестиция лойиҳаларида акс эттирилган нархларга мувофиқлиги ҳамда ички бозорда бир хил сифат ва нархлардаги товарларнинг мавжудлигига эътибор қаратган ҳолда экспертизадан ўтказиш чоралари кўрилмоқда.

Амалий жиҳатдан ушбу чора-тадбирлар, давлат корхоналарини ислоҳ қилиш ва самарадорлигини оширишдаги ҳаракатларнинг бир қисми бўлиб, уларнинг бошқаруви соҳасидаги ишларнинг ҳолати тўғрисида яққолроқ маълумотларга эга бўлишга, шунингдек, қарорлар қабул қилиш жараёнларини яхшилаш ва ушбу корхоналарнинг рақобатбардошлигини ошириш дастурларини ишлаб чиқишдаги ёндашувлар учун зарур бўлган ахборот

таҳлилий базасини такомиллаштиришга хизмат қилади.

Шу билан бирга, ушбу чора-тадбирлар ишлаб чиқариш эҳтиёжлари учун маҳаллий ва хорижий товар ишлаб чиқарувчиларнинг рақобат нархлари асосида давлат корхоналарининг ишлаб чиқариш билан боғлиқ харидларини қайта йўналтириш орқали уларнинг фаолиятидаги шаффофлик ва самарадорлигини оширишга қаратилган.

Қўрилаётган чораларни валюта сиёсати соҳасидаги чекловлар сифатида талқин қилиш ноўрин ҳисобланади, чунки улар фақат давлат харидлари, инвестиция ва бошқа ижтимоий-иқтисодий ривожлантириш дастурлари, шунингдек давлат мулкдаги корхоналарга нисбатан қўлланилаётган бўлиб, маҳаллий иқтисодийни қўллаб-қувватлаш ва унинг алоҳида сегментларини мувофиқлаштиришга ҳисса қўшувчи механизмлардан бири саналади.

Халқаро тажриба шуни кўрсатмоқдаки, иқтисодиётини мувоффақиятли тарзда либераллаштирган аксарият мамлакатлар ислохотларнинг эҳтимолий салбий таъсирларини олдини олиш мақсадида, асосан дастлабки босқичларда, вақтинчалик характердаги турли хил "қўл билан бошқариш" меха-

низмларини қўллашган ва шу тариқа эркинлаштиришга қаратилган таркибий ўзгаришларнинг кейинги босқичларини амалга ошириш учун зарур бўлган фундаментал асосларни сақлаб қолишган.

Таркибий ўзгаришларни бошлаган, бироқ ушбу ислохотлардан воз кечишга мажбур бўлган мамлакатлар тажрибаси шуни кўрсатмоқдаки, иқтисодийни либераллаштиришдаги муваффақиятсизлик кўпчилик ҳолларда давлат сиёсатининг вақтинчалик характердаги алоҳида чораларни қабул қилмаслик борасидаги эҳтиётсизлиги туфайли содир бўлган. Бу асосан, молиявий-иқтисодий жараёнларнинг аксарият иштирокчилари, айниқса давлат иштирокидаги корхоналар бозор иқтисодиётининг янги шароитларига мослашиши учун маълум муддат талаб этилганлиги ҳамда уларнинг бундай шароитларга тайёр бўлмаганлиги билан изоҳланади.

Айни пайтда, барча тижорат банкларида хўжалик юритувчи субъектларга товар ва хизматлар импорти учун хорижий валютани сотиш операциялари одатдаги тартибда, ҳеч қандай чекловларсиз амалга оширилаётганлигини маълум қиламиз.

cbu.uz

МАСОФАВИЙ БАНК ХИЗМАТЛАРИ ТАКОМИЛЛАШАДИ

Замон талабига биноан банк фаолиятида масофавий банк хизматлари оммалашиб бормоқда. Бу хизматларни янада фаоллаштириш, банклар иш жараёнига кўпроқ жалб этиш мақсадида Ўзбекистон Республикаси Марказий банкида "Масофавий банк хизматлари" мавзусида семинар-тренинг ўтказилди.



Семинар-тренингда жаҳон тажрибасида қўлланилаётган масофавий банк хизматлари баён қилиниб, уларнинг айрим турлари юртимиз банкларида ҳам қўлланилмоқда ва қатор ютуқлар қўлга киритилаётгани билдирилди.

Марказий банк "Тўлов тизимлари ва ахборот технологиялари департаменти" бошқарма бошлиғи Жамшид Усманов республика банкларида амалда фаолият кўрсатаётган масофавий банк хизматларига шарҳ бера туриб, уларнинг турлари ва қулайликларига урғу берди. Жумладан, Mobile banking банк маҳсулотининг самарадорлиги ва

қулайликлари ҳақида сўз юритди. Ўтган йилда Ўзбекистонда 6 383 492 нафар фойдаланувчи бу хизмат туридан фойдаланган бўлса, жорий йилнинг 1 сентябрь ҳолатига кўра уларнинг сони 9 236 543 нафарга етган. Айниқса бу йўналишда, яъни Mobile banking хизматларидан фойдаланишда республикада "Ипак йўли банки", "Инфинбанк", "Ҳамкорбанк", "Алоқабанк"лар олдинги ўринларда турибди.

Шунингдек, Mobile banking хизматларига қўшимча равишда, юртимиз банклари ва уларнинг филиаллари, банк манзиллари, телефон рақамлари ҳақида маълумотлар ки-

ритилиши кутилмоқда.

Республика ҳудудлари бўйича банкомат ва инфокиоскалар сони йилдан йилга ошиб, 2017 йилда 5415 донани ташкил қилган бўлса, 2018 йилда келиб 6174 та, жорий йилда эса 7743 тага етказилган.

Тадбирда мамлакатимиз банкларида келгусида жорий қилиниши кутилаётган янги хизмат турлари ҳақида ахборот берилди. Жумладан, АДЕМ депозитларни автоматлаштириш тизимининг афзалликлари айтилди.

Тадбирда жаҳон тажрибасида қулайлиги исботланган QR-коди ҳақида маълумот берилди. Маз-

кур код орқали турли тўловлар амалга оширилиши, шунингдек, унинг ишлаб чиқариш, логистикада асқотиши билдирилди. Айни кунларда Ўзбекистон шароитида ҳам бу кодни қўллаш тажрибаси ўрганилаётгани айтилди.

Ўзбекистон Республика Марказий банки томонидан жаҳон тажрибасидаги жуда қулай, тезкор ва қатор афзалликларга эга банк хизматлари ўрганилаётган эканки, булар келгусида ҳам юрдошларимиз, ҳам хорижликларга сифатли банк хизматларини кўрсата олса, ажабмас.

Умида ХУДОЙБЕРГАНОВА



АНЖУМАН

Мамлакатимизда банк фаолиятини халқ орасида оммалаштириш, банк хизматларининг оммабоплигини ривожлантириш мақсадида 2018 йил 18 сентябрдаги Ўзбекистон Президентимизнинг 3945-сонли “Миллий тўлов тизимини ривожлантириш чора-тадбирлари тўғрисида”ги қарори қабул қилинган эди. Қарор ижросини таъминлаш мақсадида “Асака” АТ банки томонидан қатор ишлар амалга оширилмоқда.



Яқинда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида “Асака” банк тизимида пластик карталарга хизмат кўрсатиш, уларнинг турлари ва афзалликлари мавзусида бўлиб ўтган матбуот анжумани ҳам айнан қарор ижросига бағишланди.

Қайд этиш жоизки, Республика тижорат банклари ичида капитали ва активлари ҳажми бўйича етакчи банклардан ҳисобланган “Асака” банк масофавий хизматларни жорий этиш, пластик карталар орқали

нақд пулсиз тўловларни амалга ошириш бўйича салмоқли ишларни амалга оширмоқда.

Тадбирда сўзга чиққан “Асака” АТБ Бошқаруви раиси ўринбосари Бобоход Абдуллаев ана шу ютуқлар ва банк томонидан пластик карта ва тўлов терминаллари амалиётга жорий этиш бўйича маълумот берди. Унга кўра, банк томонидан ўтган йили 1 828 837 дона пластик карталар муомалага чиқарилган бўлса, жорий йилнинг 1 сентябрь ҳолатига кўра, уларнинг миқдори 2 003 233 донага етди. Тўлов терминаллари

“АСАКА” БАНКДА ЗАМОНАВИЙ ХИЗМАТЛАР ТИЗИМИ РИВОЖЛАНМОҚДА

эса, шу кунга қадар жами 22 000 дона ташкил этди. Келгуси йил уларнинг сони жами 23 000 донага етказиш бўйича чора-тадбирлар олиб борилмоқда.

Шу билан бирга юртимизда “Нумо” миллий тўлов тизимини кенг жорий этилишига ҳам “Асака” банк томонидан муносиб ҳисса қўшилмоқда. Шу кунга қадар банк 2,5 минг дона “Нумо” тўлов терминаллари савдо нуқталарига ўрнатиб, 51 мингдан ортиқ “Нумо” тўлов карталарини муомалага чиқарди.

Тадбирда банкнинг “Чакана бизнес” департаменти бошлиғи Бекзод Абдурахманов ҳам сўз олиб, жорий қилинаётган янги банк маҳсулотлари қулайликлари ҳақида маълумот берди. Унинг қайд этишича, “Asaka mobile” иловаси орқали “Оилавий карта” янги хизматидан мижозлар оила аъзоларига қўшимча карталар олиши ва ўз ҳисоб рақамидан ўзи белгиланган лимит доирасида амалиётлар бажариши мумкин экан.

Шунингдек, матбуот анжумани давомида масофавий хизматларни ривожлан-



тириш борасида олиб борилаётган ишларга алоҳида тўхталиб ўтилди. Қайд этилдики, банк томонидан масофадан туриб турли тўловларни амалга ошириш хизматлари орқали мижозларга қатор қулайликлар яратилмоқда. Айниқса, “Asaka mobile” иловасининг жорий этилиши масофавий хизматлар сифатини бир мунча яхшиланишга олиб келди. Натижада 2018 йилнинг 8 ойи давомида жисмоний шахслар томонидан масофавий хизматлар сони 250 млрд. сўмлик 2 млн. 69 мингта транзакция амалга оширилган бўлса, жорий йилнинг 1 сентябргача 407

млрд. сўмлик 1 млн. 894 мингта транзакция амалга оширилди. Бу борада ўсиш суръатлари давом этмоқда.

Мамлакатимизга келаётган сайёҳларга қулай шарт-шароитлар яратиш мақсадида “Асака” АТБ биринчилардан бўлиб “MasterCard”, “UnionPay”, “UzCard” тўлов тизимларини жорий қилди. Банк томонидан келгусида бу йўналишдаги ишларни мукамаллаштириш бўйича ишлар олиб борилмоқда.

Тадбир сўнггида банк мутасаддилари ОАВ ходимларининг саволларига батафсил жавоб берди.

Умида ХУДАЙБЕРГАНОВА

“KAFOLAT sug'urta kompaniyasi” ИНВЕСТИЦИЯ ЖАЛБ ҚИЛИШДА ФАОЛ

Президентимизнинг 2019 йил 29 апрелдаги “Республика иқтисодиётига тўғридан-тўғри хорижий инвестицияларни жалб қилиш механизmlарини янада такомиллаштириш чора-тадбирлари тўғрисида”ги Қарори ижросини таъминлаш юзасидан “KAFOLAT sug'urta kompaniyasi” АЖнинг матбуот анжумани бўлиб ўтди.

Унда “KAFOLAT sug'urta kompaniyasi” АЖ мутасаддилари ҳамда ОАВ ходимлари қатнашдилар. Матбуот анжуманини компания Бошқаруви раиси Саидолим Насретдинов очиб берди ва компания томонидан амалга оширилган ишларга тўхталиб ўтди. Шунингдек, компания Бошқаруви раиси ўринбосари В. Грибанова тақдирот шаклида компания вазифалари ва йил давомида амалга оширилган ишлар юзасидан ахборот берди.

Тадбирда таъкидландики, “KAFOLAT sug'urta kompaniyasi” АЖ томонидан ўз фаолиятини такомиллаштириш, корпоратив бошқарувининг янги усулларини жорий қилиш ва рақобатбардошликни ошириш мақсадида стратегик хорижий инвесторлар билан кенг ҳамкорлик



қилиш бўйича фаол ишлар олиб борилмоқда.

Маълумки, Президентимизнинг мазкур қарорига асосан инвесторларга, шу жумладан, хорижий инвесторларга устав капиталларидаги давлат акциялар (улушлар) пакетини сотиши белгиланган ташкилотлар рўйхатида “KAFOLAT sug'urta kompaniyasi” ҳам кўрсатиб ўтилган. Шунга кўра, компания акциялар (улушлар) пакетини харид қилиш бўйича қатор хорижий давлатлар ва халқаро молия ташкилотлари билан музокаралар олиб борди.

Жумладан, жорий йилнинг 14

майда Rooia Investment LLC (БАА) билан стратегик шерикчилик тўғрисида меморандум имзоланди. Шунингдек, халқаро “Freedom Finance” ва “Silk Capital” каби инвестиция компания вакиллари билан музокаралар олиб борди.

Жорий йилнинг 5 июнь кuni Жанубий Кореянинг SEAD компанияси ва Yulchon адвокатлик фирмаси раҳбарлари билан, 8 июнь кuni NASDAQ Dubai раҳбарлари билан учрашувлар ташкил этилди. Учрашув давомида кўпроқ инвесторларни жалб этиш мақсадида компания акцияларини NASDAQ Dubai фонд

биржасига жойлаштириш таклифи билдирилди.

Шу билан бирга Осиё тараққиёт банки (ОТБ) билан компаниянинг давлат улушини сотиш бўйича ҳам тегишли чора-тадбирлар кўрилди ва бу борада жорий йилнинг 21 сентябрь кuni ОТБнинг Вице-Президенти – Дивакар Гупта иштирокида навбатдаги учрашувда ҳамкорликни янада кучайтириш бўйича келишиб олинди.

Шунингдек, матбуот анжуманида компания суғурта портфелининг ишончли ҳимоясини таъминлаш мақсадида етакчи маҳаллий ва хорижий қайта суғурта компанияларига рискларни жойлаштириш орқали қайта суғурталаш ва хатарларни диверсификация қилиш амалга оширилаётгани таъкидланди ҳамда эришилган натижалар рақамларда таҳлил қилинди.

Жумладан, жорий йилнинг I ярим йиллигида компания томонидан 1,0 млн. АҚШ долларига тенг суғурта экспорти амалга оширилган. Жисмоний ва юридик шахслар билан 455,9 мингта суғурта шартномалари имзоланиб, 84,2 млрд. сўм суғурта мукофоти йиғилди, бу суғурта мукофотлари тушуми ўтган йилга нисбатан 146,2 фоизга кўп деганидир. Суғурта ходисалари бўйича мурожаат этган мижозларга эса 14 161,2 млн. сўм суғурта қопламалари тўлаб берилган.

Тадбир сўнггида компания мутахассислари ва журналистлар ўртасида қизиқарли савол-жавоблар бўлиб ўтди.

“KAFOLAT sug'urta kompaniyasi” АЖ Матбуот хизмати

1 ОКТЯБРДАН ҚИШЛОҚ ХЎЖАЛИГИ МАҲСУЛОТЛАРИ ИШЛАБ ЧИҚАРУВЧИЛАР ҚҚС ТЎЛОВЧИСИ БЎЛАДИ

Барча хўжалик юритувчи субъектларга тенг шарт-шароитларни яратиш учун қўшилган қиймат солиғининг тўлақонли заңжирини ташкил этиш мақсадида 2019 йил 1 октябрдан бошлаб, ягона ер солиғи тўловчиси ҳисобланган қишлоқ хўжалиги товарлари ишлаб чиқарувчилар қўшилган қиймат солиғини тўлашга ўтиши белгиланган.

ДСҚ матбуот хизмати хабарига кўра, бундай тартиб президентнинг 2019 йил 27 июндаги "Солиқ ва божхона имтиёзлари берилишини янада тартибга солиш чора-тадбирлари тўғрисида"ги ПФ-5755-сонли фармонида асосан жорий этилмоқда.

Хужжатга кўра, 2019 йилнинг 9 ойида пул айланмаси (тушуми) 1 млрд. сўмдан ошган ёки 50 гектардан ортиқ қишлоқ хўжалигига мўлжалланган суғориладиган ер майдонларига эга бўлган ягона ер солиғи тўловчилари қўшилган қиймат солиғи тўловчиси ҳисобланиши ва белгиланган тартибда ҚҚС тўловчиси сифатида рўйхатдан ўтиши талаб этилади.

Эслатилишича, фармонда 2019 йил 1 августдан қишлоқ хўжалиги товарлари ишлаб чиқарувчилари ихтиёрий равишда қўшилган қиймат солиғини тўлашга ўтиши

мумкинлиги белгилаб қўйилган.

Шу билан бирга, фармонга мувофиқ пахта хомашёсини ишлаб чиқарувчи хўжалик субъектлари 2019 йил ҳосилидан бошлаб қўшилган қиймат солиғини тўлашга ўтадилар.

Бунда, уларга 2018 йилнинг 1 октябридан илгари бўлмаган вақтда ҳақиқатда олинган ва пахта хомашёсини етиштириш учун ишлатилган товарлар (иш, хизматлар) учун тўланган қўшилган қиймат солиғи суммасини ҳисобга олиш ҳуқуқи берилади.

Билдирилишича, ушбу нормаларнинг амалиётга жорий этилиши мамлакатда рақобатбардош ишлаб чиқаришни рағбатлантириш, тадбиркорлиқни ва соғлом рақобат муҳитини қўллаб-қувватлашга хизмат қилади.

ЎЗА

Марказий банк жисмоний шахсларнинг халқаро тўлов карталаридан (ХТК) нақд пул маблағларини ечиб олиш тўғрисидаги хабарни эълон қилди.

1 ОКТЯБРДАН БОШЛАБ БАНКОМАТЛАР ВАЛЮТА БЕРИШНИ ТЎХТАТАДИ

2019 йил 1 октябрдан бошлаб мамлакат ҳудудида банкоматлар орқали ХТКдан фақат миллий валютани ечиб олиш мумкин.

Бунинг бир неча сабаблари бор: биринчидан, август ойининг учинчи ўн кунлигидан бошлаб жисмоний шахслар – резидентлар банклардаги валюта айирбошлаш шохобчалари орқали нақд хорижий валютани харид қилишлари мумкин.

Иккинчидан, жинойи даромадларни легаллаштириш билан боғлиқ шубҳали операцияларни амалга ошириш, хусусан мамлакат ҳудудида бошқа шахслар томонидан норезидентларнинг ХТКдан валюта маблағларининг ечиб олиниши ҳолатлари мавжуд ва улар бўйича хатарлар юзага келмоқда.

Учинчидан, қонунчиликка мувофиқ, Ўзбекистонда барча ҳисоб-китоблар ва тўловлар миллий валюта – сўмда амалга оширилиши лозим.

Илгаригидек ХТКдан хорижий валютани бевосита банкда ечиб олиш мумкин. Бунинг учун шахсни тасдиқловчи хужжат зарур. Банкоматлар ёки валюта айирбошлаш шохобчаларида конвертация қилиниб, сарфланмай қолган сўмдаги пул маблағлари валюта айирбошлаш шохобчаларида нақд хорижий валютага айирбошланади.

Norma.uz

"ЎЗАГРОСУҒУРТА" АЖ ЖАМОСИГА

"Банк ахборотномаси" газетасининг шу йил 19 сентябрда нашр этилган 36-сонидида "Мақсад суғурта пулини тўламаслик"ми? номи мақола эълон қилинган эди. "Янгийул суғ" хусусий корхонаси раҳбари А.Арипходжаевнинг тахририятга қилган мурожаати асосида тайёрланган мақола "Ўзагросуғурта" АЖ жамоасининг жиддий эътирозига сабаб бўлди.

Уларнинг мақола юзасидан билдирган раддияси газетада тўлиқ эълон қилиниб, тахририятнинг умумий йиғилишида муҳокама қилинди. Йиғилишда мақола муаллифлари Ўқтам Абдуллаев ва Умида Худайбергеновалар шикоятни ўрганишда эътиборсизликка йўл қўйганлиги айтилди ва "Ўзагросуғурта" АЖ жамоаси билдирган эътирозлар ўринли деб топилди. Шунга кўра Ўқтам Абдуллаев ва Умида Худайбергеноваларга хайфсан берилди.

"Банк ахборотномаси" газетаси тахририяти "Ўзагросуғурта" АЖдан йўл қўйилган камчиликлар учун уэр сўрайди.

ҚҚС СТАВКАСИНИ ПАСАЙТИРИШ НАТИЖАЛАРИ

Маълумки, 2019 йилдан киритилган ўзгаришларга кўра ҚҚСнинг базавий ставкасини пасайтирмасдан унинг қамровини кенгайтириш ишлари бошлаб юборилди. Бунда тадбиркорлик субъектларини умумбелгиланган солиқ режимига, яъни ҚҚСга мажбурий ўтказишнинг ягона мезони сифатида ялпи тушум (оборот) белгиланди. Яъни солиқ даврида олинган ялпи тушуми 1 млрд сўмдан ошган ҳар қандай тадбиркорлик субъекти ҚҚС тўлашга ўтказилди. Шу билан бирга, солиқ даври давомида обороти 3 млрд. сўмдан ошмайдиган хўжалик субъектлари учун ҚҚСни ҳисоблаб чиқишнинг соддалаштирилган тартибини танлаш ҳуқуқи берилди.

Бироқ, ҚҚСни ҳисоблаб чиқишнинг соддалаштирилган тартибини қўловчи тадбиркорлик субъектлари олинган товарлар (ишлар, хизматлар) бўйича кириш қилинган ҚҚС суммаларини ҳисобга олиш ҳуқуқига эга бўлмади. Натижада бундай корхоналар иштирок этган ишлаб чиқариш даврида ҚҚС заңжир барибир тўлиқ ишламайди.

2019 йилдан киритилган ўзгаришлар натижасида ҚҚС нуқтаи назаридан тадбиркорлик субъектлари қуйидаги 3 тоифага бўлиниб қолди:

- ялпи тушуми 1 млрд. сўмдан ошмаганлиги учун ҚҚС тўловчиси бўлмаган тадбиркорлик субъектлари;
- ялпи тушуми 3 млрд. сўмдан ошмаган ва соддалаштирилган режимда ҚҚС тўлашга ўтган тадбиркорлик субъектлари;
- ялпи тушуми 3 млрд. сўмдан ошганлиги муносабати билан мажбуран ҚҚСнинг умумбелгиланган режимига ўтган тадбиркорлик субъектлари;

Агар, реал ҳаётдан келиб чиқиб айтадиган бўлсак, жорий йилда аксарият тадбиркорлик субъектлари юзага келаётган ҚҚС муаммосидан қутулиш учун ўз тушумини 1 млрд. сўмдан ошириб юбормаслик чораларини кўришди. Бунга улар уч хил йўл билан эришишлари мумкин:

- тушумини 1 млрд.га етказмаслик учун яшириш;
- обороти 1 млрд. сўмга етган фирмани ёпиб, бошқасини очиш;
- параллел фирмалар таъсис этиб, уларнинг оборотини назорат қилиш. Буларнинг барчаси яширин иқтисодиётга йўл очади.

Юқоридагилардан кўриниб турибдики, 2019 йилдан амалга оширилган ислохотлар натижасида ҚҚС механизми соддалашмади, аксинча, янада табақалашиб кетди. Ваҳоланки, солиқ сиёсатини такомиллаштириш концепциясида солиққа тортиш механизмнинг соддалаштирилиши солиқ ислохотларининг энг асосий йўналиши сифатида белгиланган эди.

Бу эса, ўз навбатида қуйидаги муаммоларни келтириб чиқарди:

- нархларнинг кўтарилиши ва инфляциянинг кучайиши;
- фаолият турлари бўйича алоҳида ҳисоб-китобнинг талаб қилиниши ва солиқ маъмурчилигининг мураккаблашуви;
- ҚҚС механизмнинг тўлиқ ишламаслиги;
- хўжалик субъектлари томонидан тушумнинг яширилиши, яширин оборотларнинг кўпайиши.

Айнан юзага келган мана шу муаммоларни бартараф қилиш мақсадида Ўзбекистон Республикаси Президенти Шавкат Мирзиёев жорий йилнинг 11 сентябрида кичик бизнес ва хусусий тадбиркорликни янада ривожлантириш ҳамда давлат бюджетига кафолатланган тушумларни таъминлаш масалаларига бағишланган видеоселектор йиғилишида ҚҚС ставкаси 20 фоиздан 15 фоизга пасайтирилиши лозимлигини таъкидлади.

Молия вазирлиги мазкур ҳолатда давлат бюджетига йиллик 10 трлн.

йўқотиш қутилишини маълум қилган. Тўғри, бундай ҳолат ставка пасайтирилгандан кейинги дастлабки қисқа даврда кузатилиши мумкин.

Аммо, фикримизча, бундай ҳавотирланиш ўринсиз. Чунки, биринчидан, ҚҚСнинг йиғилувчанлик даражаси, таҳлиллар кўрсатганидек, 90 фоиздан кам бўлиб келган. Демак, амалдаги 20 фоизли ставка бўйича ҳисоблаб чиқилаётган ҳар йилги ҚҚС суммасининг 10 фоиздан ортиқ қисми бюджетга ундириб олинмасдан солиқ боқимандаси сифатида тўпланиб келган. Ушбу ҳолатнинг ўзи ҳеч қандай йўқотишсиз, 17 фоизли ставка билан ҳам ҚҚС бўйича амалдаги тушумларни таъминлаш мумкинлигидан далолат беради.

Иккинчидан, Президентнинг 27 июндаги ПФ-5755-сонли фармони билан ҚҚС бўйича амалдаги қўллаб имтиёзларнинг олиб ташланиши натижасида ҚҚС заңжирли механизмнинг тўлақонли ишга тушиши ҳам мазкур солиқ бўйича тушумлар йўқотилишининг олдини олади.


Энг асосийси, Ўзбекистондаги норасмий иқтисодиётнинг амалдаги салмоғидан келиб чиқадиган бўлсак, ҚҚС сабабли бюджет йўқотиши умуман бўлмаслиги ҳам мумкин. Аксинча, ҳозирги 20 фоизли ставкадан қўчиб, ўз тушумларини 1 млрд.лик чегарадан ўтказмай келаётган тадбиркорлик субъектларининг солиқ ставкаси 15 фоизга туширилиши муносабати билан стандарт ҚҚСга ўтишлари рағбат пайдо бўлиши ушбу солиқдан бюджетга тушумларнинг секин-аста кўтарилиб боришини таъминлайди.

Ислом НИЯЗМЕТОВ,
Иқтисодиёт фанлари доктори



Мукамал дунёда шерикчиликдаги бизнес эгалари, яъни ҳамкорлар ўзаро бизнес муносабатларининг ҳар бир жиҳатини ҳисобга олиб, ҳамма нарса ҳақида олдиндан келишиб оладилар ва бунинг ҳужжатлаштириб қўйдилар. Аммо, биз яшаётган олам мукамалликдан йироқ ва бу бизнесда ҳам ўз аксини топади. Тадбиркорликка киришарканмиз шеригимиз билан ҳамма масалаларни қўғозга тушириш у ёқда турсин, оғзаки келишувни ҳам ортга сурамиз ва 50/50 дея бошланган ҳамкорлик муносабатларини боши берк кўчага кiritиб қўямиз.

50/50 ЁКИ БИЗНЕСДАГИ ТЕНГ ШЕРИКЧИЛИК: МУВАФФАҚИЯТ КАЛИТИМИ ЁКИ РЕЖАЛАРНИНГ БАРБОД БЎЛИШИ?



Одатда бундай тенг шерикчилик дўстлар ёки қариндошлар ўртасида бўлади. Аксарият ишбилармонларнинг фикри шундай – энг қўлай икки кишилик тенгшерикчилик. Бунинг бир нечта сабаби бор:

– “битта калла яхши, икки калла ундан яхши”;

– бизнесга яққа киришиш хатарли, икки киши бўлса ҳарқалай хатар ҳам икки баравар камаяди;

– ҳар бир томоннинг ўз кучли жиҳатлари бор (яъни бир томон иккинчи томонни тўлдириб туради);

– ва энг муҳими бизнесга тикиладиган маблағ ҳар бир томон учун икки баробарга камаяди.

Ҳамкорларнинг дўстлиги ёки қариндошлиги кўнгилга таскин беради – ахир ҳаммасини бирдорлардек келишиб кетиш мумкин-да. Айниқса, мўлжалдаги лойиҳадан катта фойда келишини тасаввур қилинса борми... Хуллас ҳаммаси ажойиб.

Аммо тез орада 50/50 услубининг барча салбий жиҳатлари буй кўрсата бошлайди. Мисол учун дўстлардан бири тавakkал қилишни хуш кўради, иккинчиси эса табиятан эҳтиёткор, бир томон оила қуради ва ишга кўп вақт ажрата олмай қолади, табиийки иккинчи томонга кўпроқ юк тушади ва албатта у бу ҳолатни ноҳақлик деб ҳисоблашни бошлайди, ва аста секин унинг бу ишга қизиқиши сўнади, иккинчи томон арванни бир ўзи тортишига тўғри келади ва ҳоказо.

Келинг, нафақат бизнесни, балки узок йиллик қариндош-уруғчиликни ҳам барбод қилишга қодир эҳтимолий зиддиятларни бирма-бир таҳлил қилиб чиқамиз:

1. Вазифалар аниқ бўлиб олинмаган. Ҳар икки томон “ҳамма ишлар” билан бара-

вар шуғулланиб кетаверади. Ким нима иш қилганини тайини бўлмайди. Охири оқибат томонлар бизнесни ривожлантиришга эмас, ким нима қилганини аниқлаштиришга кўпроқ куч сарфлашни бошлашади;

2. Ўртадаги айланма маблағдан шахсий мақсадлар учун қанча улуш ёки қарз олиш мумкинлиги борасида зиддиятлар келиб чиқади;

3. Ҳамкорлар ким кўпроқ, ким камроқ иш қилаётганлиги ҳақида ўзаро шубҳа-гумонлар тўрига ўралиб борадилар. Кимгадир шеригининг оддий ходим каби кундалик ишларга ўралашиб қолгани ёқмаса, иккинчиси дўсти ўзини раҳбардек тутиб, кундалик вазифаларни бажармаётганидан хафа. Бир тараф бизнес айнанинг унинг ғояси асосида ташкил топганига амин бўлса, иккинчи шерик унинг меҳнатларига ҳамкорлиқни сақлаб турганига ишончи комил. Айниқса фойдани тақсимлашда зиддият яққол юзага чиқади ва муносабатларга дарз кетади;

4. Масаланинг маънавий жиҳатлари ҳам бисёр. Ҳамкорлардан бири иш ривож учун кимгадир пора беришни зарур деб ҳисобласа, иккинчисининг виждони бунинг асло қабул қила олмайди. Кимдир қара ёки кредитни кўпроқ олишни ёқлайди, бошқа томон эса кредит олиш ва фоида тўлашиб тоқати йўқ;

5. Ҳужжат юритишда камчиликларга йўл қўйиш, масалан ҳисоботларда ниманидир (масалан қарздорлар/насияга мол олганлар, қилинган чегирмалар рўйхати ва ҳоказо) қайд этмаслик тўғрисида ҳамкорлар ўзларининг умумий молиявий ҳолатларини тўғри баҳолаб олишмайди ва шу тўғрисида тўғри қарорлар

қабул қила олишмайди, бу эса охири-оқибат томонлар ўртасида турли тушунмовчилик ва эътирозлар туғилишига сабаб бўлади;

6. Бизнесдаги тенгшерикчилик мулкка эгалик ҳиссини сусайтиради. Бир қарашда бизнес эгалари бордек, аммо уларнинг ҳеч бири ўзини юз фоиз мулк соҳиби деб ҳисоблай олмайди. Бунинг ортидан томонларда жавобгарлик ҳисси ҳам камаяди, масъулиятни ҳис қилмайдиган бўлиб қоладилар. Юзага келган вазият ишга салбий таъсир қилмай қолмайди;

7. Ўзаро келишилган муҳим стратегик қарор қабул қилиш (масалан бирор-бир янги бизнес ғояни амалга ошириш каби) жуда оғир бўлади ёки бунинг бутунлай иложи бўлмайди, чунки томонларнинг бизнесдаги улуши тенг, бирор жиддий қарор қабул қилиш учун эса икки томоннинг розилиги керак;

8. Лойиҳани сотиб юбориш ҳам осон эмас. 50 фоизли улушни харид қилишни кўпчилик хоҳламайди, сабаби бу ҳолатда бизнесни тўлиқ назорат қилиб бўлмайди, уни устига бизнесни бўлиш ҳам ўзимас, чунки бунда нафақат ўртадаги мол-мулкни, балки шаклланиб мижозлар базаси, йўлга қўйилган ишлар, ходимлар ва бренднинг ҳам бўлиши керак бўлади, бизнес сотилиши даражасига келиб қолган зиддиятлар вазиятда эса бунинг амалга ошириш ғоят мушкул;

9. Бўлиниш жараёнида ўртада йиғилиб қолган бошқа муаммолар ҳам юзага чиқади.

Хуллас вазият асаби бўш одам кўтаридиган вазият эмас.

Агар сиз юқорида кўрсатиб ўтилган тенгшерикчилик муаммоларидан биттасига бўлса ҳам дуч

келган бўлсангиз ёки энди шундай тенгшерикчилик фаолиятини бошламоқчи бўлиб турган бўлсангиз унда бизнинг сизга биринчи маслаҳатимиз – ўзаро ҳамкорлик келишуви тузинг ва бунда ўзаро ҳамкорлиқнинг энг муҳим жиҳатларини қўғозга туширинг. Бошида келишув қийин бўлади, аммо бунинг вақтида қилмасангиз, ҳам бизнесни, ҳам ўзаро муносабатларни хавф остига қўясиз. Агар сиз тадбиркорлик фаолияти билан ҳеч бўлмаса бир йил шуғулланган бўлсангиз, унда сизнинг ўзингизда ҳам бу борада анча-мунча тажриба йиғилган ва сиз нималарга эътибор қаратиш кераклиги ҳақида тушунча ҳосил бўлган.

Асосийси, вазиятни шу ҳолатда қолдирманг.

Мана энди, тенгшерикчилик билан боғлиқ қийин вазиятлардан чиқишнинг бир қатор усулларини таклиф қилишга бизга ҳам ижозат беринг:

– ўзаро улушни 50/50 эмас, 49/49 тарзда шакллантиринг ва қолган 2 фоизни ҳар иккинчигиз сўзсиз ишонадиган бирор инсонга тақдим этинг. Айнан ўша киши сизларда юзага келиши мумкин бўлган баҳсли вазиятларда ҳакамлик қилади;

– бирор тажрибали ва ҳалол мутахассисни бошқарувчи сифатида ёлланг ва бу инсоннинг овози зиддиятли вазиятларда ҳал қилувчи аҳамиятга эга бўлсин. Албатта, бу ягона тўғри ечим эмас (айниқса мураккаб вазиятларда эҳтирослар жунбушга келишини ҳисобга олсак). Лекин айнан одил инсон бизнесни бошқаришига эришинг;

– турли вазиятларда ҳакамлик қилиши мумкин бўлган битта ёки иккита тажрибали маслаҳатчи ёлланг (масалан молия масалалари ва ёки бизнес бошқарув масалалари бўйича). Лекин бу маслаҳатчилар компания ходимлари бўлмаслиги керак;

– шеригингизнинг улушини сотиб олишни иложи бўлса шундай қилинг (шунда барча масалаларни ўзингиз ҳал қилаверасиз). Балки шерик ўз улушининг маълум қисмини олиб қолар, аммо асосий масалаларда сизга қаршилиқ қила олмайди.

Бундай вазиятга тушганлар ёки тушиши мумкин бўлганлар юқоридаги йўллардан бирини танлашлари яхши наф беради деб ўйлаймиз. Энди иш бошланганлар эса албатта батафсил ёзилган муассислик шарҳномасини имзолашлари мақсадга мувофиқ.

“Ислом молияси” телеграм канали

ҲАМКОРЛИК

БИРЖА САВДОЛАРИДА ПАСАЙИШ КУЗАТИЛДИ

Жорий йилнинг 23-29 августида “ЎЗРТХБ” АЖ да 1003,8 млрд сўмлик битимлар тузилди. Кичик бизнес ва тадбиркорлик субъектлари иштирокида тузилган битимларнинг умумий ҳажми 7,9% га ўсиб, 481,2 млрд сўмни ташкил этди.

Шу жумладан, биржа савдоларининг ҳажми аввалги ҳафтага нисбатан 2,7% га камайиб, 872,2 млрд сўмни ташкил этди. Валюта савдо майдончаси орқали сотилган товарларнинг суммаси 399,0 минг АҚШ долларини ташкил этди. Шундан, 341,7 минг АҚШ долларлик полиэтилен, ва 57,0 минг АҚШ долларлик саноат мойи сотилди.

Кўргазма-ярмарка савдоларининг ҳафталик ҳажми 33,7 млрд сўмни ташкил этди. Кичик бизнес субъектлари томонидан амалга оширилган харидлар 8,6 млрд сўмни ёки тузилган битимларнинг 25,6% ни эгаллади.




Ўтган ҳафтада давлат харидлари бўйича xarid.uz махсус ахборот порталида тузилган битимларнинг ҳажми 95,5 млрд сўмни ташкил этди. Бюджет ва корпоратив буюртмачиларнинг пул маблағини тежалиши 20,5 млрд сўмни ташкил этди.

Кўриб чиқилаётган давр мобайнида онлайн аукцион орқали 537 та автомобиль рақамлари сотилди. Сотилган давлат рақам белгиларининг умумий суммаси 2,4 млрд сўмни ташкил қилди. Рақобатли савдолар натижасида битимларнинг 21% биринчи тоифадаги авторакамларга 46% иккинчи ва 33% учинчи тоифа авторакамларга тегишлидир.

finance.uz

"АГРОБАНК": КЛАСТЕРЛАР ЭКСПОРТ САЛОҲИЯТИНИ ОШИРМОҚДА



(Бошланиши 1-саҳифада)

Ана шу кластерларнинг бугунги фаолияти билан яқиндан танишиш мақсадида банк томонидан "Худудларда пахта-тўқимачилик кластерларини ривожлантириш бора-сида олиб борилаётган амалий ишларда "Агробанк" АТБ-нинг иштироки" мавзусида Фарғона вилоятига пресс-тур ташкил этилди.

Унда ОАВ вакиллари банкнинг молиявий кўмагида иш юритаётган бир қатор замонавий агрокластерлар фаолияти билан яқиндан танишди.

Дастлаб, иштирокчилар Тошлоқ туманида жойлашган «Ехро Koller Prin Teks» корхонасида бўлиб иш жараёнини тўлиқ кузатиш имконига эга бўлдилар.

Мазкур корхона йилига 3600 минг тонна ип-калава ишлаб чиқариш қувватига эга бўлиб, айна дамда пахтани тўлиқ қайта ишлаш орқали калава ип, бахмал матоси ва трикотаж маҳсулотлари ишлаб чиқармоқда. Унинг тайёр маҳсулотлари эса Хитой, Бельгия, Польша каби давлатларга экспорт қилинаёттир. Шу давргача корхона йилига 7-8 млн АҚШ долларлиқ маҳсулот экспорт қилган бўлса, эндиликда тайёр маҳсулотлар турини ошириш ҳисобига йил охирига қадар бу кўрсаткич 30 млн АҚШ долларига етиши мўлжалланмоқда. Бундай ўсиш суръатининг ўз сабаблари бор. Бу ҳақда корхона раҳбари Абдуқаҳҳор Жўрабоев.

– Жорий йил корхона негизда пахта-тўқимачилик кластерининг йўлга қўйилиши бизни янги марралар сари етакламоқда. Биринчи, навбатда хомашёни ўзимиз етиштириш имконига эга бўлдик. Бу бизга бир неча баробар арзон хомашё олишга замин яратди. Шу билан бирга, корхонамизда пахтани тўлиқ қайта ишлаш ва улардан

тайёр маҳсулотлар ишлаб чиқаришга шароит яратилди. Айна кунда бу йўналишда Фарғона вилояти Тошлоқ туманининг 140 нафар фермери билан ҳамкорликда 5000 гектардан ортиқ ерда пахта етиштирдик. Бунинг учун корхонамизга банк томонидан 36,4 млрд. сўмлик молиявий кўмак берилди.

Айни кунда пахта терими авжида. Ҳали биринчи терим бўлса-да, режанинг 70 фоизини уддалаб, 10 минг тоннадан ортиқ пахта йиғиштириб олди. Мазкур хомашё ўзимизга қарашли иккита пахта заводларда қайта ишланиб, ип йиғирув цехларига етказилмоқда.

Айни дамда берилган имкониятлардан кенг фойдаланган ҳолда тўқув ва йиғирув цехларини янада кенгайтириб, йиғиштирган ҳосилимизни қайта тўлиқ ишлаб, тайёр маҳсулотлар сонини кўпайтирмоқчимиз. Бу лойиҳамизни 2020 йилнинг охирига қадар амалга ошириш режалаштирилган. Бунинг учун Туркиядаги ҳамкорлар билан келишув имзоланган бўлиб, ягона ўзбек бренди остида маҳсулотларни хорижий ўлкаларга экспорт қилиш мўлжалланмоқда, – дея фикр билдирди.

Шунингдек, корхона келгуси йилда пахта чигитини қайта ишлашни йўлга қўйиш мақсадида ёғ-мой комбинатини ишга тушириш ҳаракатида. Мазкур комбинат фаолият бошлаганидан сўнг, корхона негизда яна бир тармоқ – бўрдоқчилик хўжалигини барпо этиш режалаштирилган. Мазкур лойиҳаларнинг амалга ошиши натижасида арзон ёғ-мой, гўшт ва сут етиштириш имкони яратилади. Буларнинг барчаси ягона корхона негизда ташкил этилади.

Тадбиркор Абдуқаҳҳор Жўрабоевнинг таъкидлашича, кластер тизимининг

жорий этилиши чин маънода ишлаб чиқариш ва қишлоқ хўжалиги тизимида катта ютуқ бўлди. Чунки корхона кластер тизими жорий этилмасдан олдин фақат бир йўналишда фаолият юритган бўлса, энди унинг тармоқлари тобора кенгайиб бормоқда. Иш ўринлари яратилиши ҳам шунга монанд. Дастлаб корхонада 300 нафар ишчи ишлаган бўлса, кластер тизимига ўтилганидан сўнг уларнинг сони 1050 етди. Келгуси йил эса, яна мингта янги иш ўрни яратилишига нима дейсиз.

Пресс-тур давомида иштирокчилар Риштон туманида жойлашган яна бир йирик агрокластер – пахта толасидан ип-калава ишлаб чиқаришга ихтисослашган "Рус-Ўзбектекс" МЧЖга таширф бўйориб, бу ерда олиб борилаётган ишлар билан яқиндан танишишди.

Ушбу замонавий корхонага банк томонидан пахта ҳосилини етиштириш учун 34,4 млрд. сўм ҳамда ип-калава тўқимачилик дастгоҳларини сотиб олиш учун 945,5 минг АҚШ долларлиқ миқдорда кредит маблағлари ажратилган. У йилига 4 млн. тонна ип-калава ишлаб чиқариб, шу давргача йилига 4,8 млн. АҚШ долларлиқ маҳсулотларни Хитой, Туркия, Беларусия давлатларига экспорт қилган. Корхона 2018 йилдан бошлаб агрокластер корхонасига айлантирилган. Айна дамда 726 нафар ишчи меҳнат қилаётган бўлиб, 2020 йилда янги цехларнинг ишга тушиши ҳисобига яна 200 та иш ўрни яратилади.

– Корхонамиз 2017 йилдан бери пахтани биржа орқали сотиб олиб, қайта ишларди. Ўтган йили кластер тизимига ўтганимиздан сўнг имкониятларимиз кенгайди. Бу ўринда "Агробанк" АТБнинг ҳам кўмаги муҳим аҳамият касб этмоқда, – дейди кор-

хона директори Дилшод Ҳамдамов. – Чунки банкнинг молиявий ёрдамида пахта тозалаш ва ип йиғирув цехи дастгоҳларини тўлиқ модернизация қилишимиз. Бунинг учун Германиядан 400 минг АҚШ долларлиқ ускуналар сотиб олинди. 2020 йилдан бошлаб эса тайёр маҳсулотлар чиқаришни йўлга қўймоқчимиз. Айна дамда мазкур цехларни куриш ишлари якунига етмоқда. Уларда мато ишлаб чиқарилиб, кейин бўялади ва тайёр маҳсулотлар ишлаб чиқаришга йўналтирилади.

Тадбиркорнинг айтишича, кластер тизимининг жорий этилиши фермер хўжаликларнинг ҳам ишини енгил қилди ва ҳосилдорлиқнинг ҳам ошишига замин яратди. Жумладан, корхона ўтган йили корхонага ҳамкор фермер хўжаликларнинг ўртача ҳосилдорлиги 26 центнерга етган бўлса, жорий йил 28-29 центнердан ошди. Бундай ижобий натижалар фермер хўжаликларнинг даромадининг ўсишига хизмат қилаёттир.

Агрокластерлар фаолиятини билан танишарканмиз, ким билан суҳбатлашмайлик, барчанинг кайфияти кўтаринди. Бу корхона азваси ёки фермер бўладими ё пахта теримчиси, барчаси ўз турмушидан розилигининг гувоҳи бўлди. Чунки улар ишининг унуми, самарасини, манфаатини кўрмоқда. Бу эса, уларда келажакка бўлган умид ва ишонч уйғотиб, янада шижоат билан ишлашга ундаёттир.

Шунингдек, пресс-турнинг иккинчи кунда журналистлар "Агробанк" Фарғона вилояти бошқармасининг худудий филиали фаолияти билан танишиш имконига эга бўлдилар.

Бугунги кунда Фарғона вилоятида "Агробанк" АТБ-нинг 19 та филиаллари ва 24/7 тизимида ишловчи банкоматлари ҳамда бир қатор "Банк хизматлари марказлари" аҳолига замонавий банк хизматларини кўрсатиб келмоқда.

Шулар қаторида "Агробанк" Фарғона вилояти бошқармасининг худудий филиали ҳам Фарғона шаҳри аҳолисига беминнат хизмат кўрсатиб келмоқда. Мазкур филиалда миқозларга қулайлик яратиш мақсадида иш "фронт" ва "бэк" офис кўринишида ташкил этилган бўлиб, бу хизматлар сифатини ошишига замин яратаёттир.

Бугунги кунда филиал 1400 дан ортиқ юридик ва 3000 дан ошдиқ жисмоний шахсларга кенг қўламли банк ва консалтинг хизматларини кўрсатмоқда. Хусусан, жисмоний шахслар учун микроқарз, овердрафт ва бошқа кредитларни расмийлаштириш, пластик карточка ва ҳисоб рақам очиш, омонатни расмийлаштириш, барча турдаги тўловлар ҳамда халқаро пул ўтказмаларни амалга ошириш, валюта айирбошлаш каби бир қатор банк хизматлари кўрсатилади.

– Филиалимизда миқозларга қулайлик яратиш мақсадида Wi-Fi зоналар ташкил этилди, – дейди худудий филиал раҳбари Акмалжон Раҳимов. – Чунки кейинги пайтларда аҳолининг аксарияти он-лайн хизматлардан фойдаланишни ўзига афзал билмоқда. Шу боис, миқозларга мобил иловалар имкониятларини тушунтирган ҳолда ўрнатиб берамиз. Бу аҳоли учун ҳам, биз учун ҳам енгиллик туғдиримоқда. Натижада он-лайн хизматларимиз қўламини кенгайтиб, миқозларимизнинг ҳам улардан фойдаланиши ортиб бормоқда. Шу кунга қадар банк кредитларининг 70-75 фоизи иловалар орқали тўланган фикримиз тасдиғидир. Шунингдек, хизматлар қўламини кенгайтириш мақсадида фермер хўжаликларга он-лайн, шу билан бирга, микрофирмаларга бепул хизмат кўрсатишни бошладик. Бу ҳам ўз навбатида, миқозларимиз сафининг ортишига сабаб бўлаёттир.

Қолаверса, банк томонидан аҳолисига қулайлик яратиш мақсадида шаҳар марказларида иккита "Банк хизматлари маркази" ишга туширилди.

Қисқасини айтганда, пресс-тур давомида "Агробанк" жамоасининг юртимиз иқтисодиётининг турли тармоқларини янада тараққий эттириш, аҳолини тадбиркорликка жалб этиш ва уларнинг бизнес лойиҳаларини молиявий қўллаб-қувватлаш, шунингдек, банк хизматларини янада ривожлантириш йўлида кенг қўламли саъй-ҳаракатлар олиб бораётганининг гувоҳи бўлдик.

Бобур МУҲАММАДИЕВ

МУРАББИЙЛАР ҲУРМАТДА



2019 йил 30 сентябрь куни азия устозлар байрами муносабати билан устозларни табриклаш учун Ўзбекистон Республикаси Марказий банкида тантанали тадбир ўтказилди.

Банк тизими учун малакали мутахассислар тайёрлашдаги хизматларини эътироф этган ҳолда, Марказий банк раҳбарияти томонидан банк тизими учун етук кадрлар тайёрлаш борасида сидқидилдан меҳнат қилиб келаётган бир гуруҳ мураббийлар совғалар билан тақдирланди.

ЭҲТИРОМ

Устоз – ушбу сўз замирида олам-олам ҳаётини ҳикматлар ҳамда эзгуликка йўғирилган инсонийликнинг энг олий туйғулари мужассамдир. Ҳар йили мамлакатимиз бўйлаб ушбу кун катта тантана билан нишонланади.



Бу албатта, барчамиз учун қадрли бўлган устоз ва мураббийларга чексиз ҳурмат ва уларга кўрсатилаётган эҳтиром намунасидир. "Агробанк" АТБ Бош офис биносида ҳам банк тизимида фидокорона хиз-

мат кўрсатган, банкнинг тарақий этишига ҳамда бугунги кунда эришган ютуқ ва муваффақиятларига замин яратган устоз ва мураббийлар иштирокида байрам тадбири бўлиб ўтди.

Тадбирда банк Бошқарув раиси номидан фахрий устозларга ташаккурнома ва қимматбаҳо совғалар улашилиб банкда узоқ ва самарали хизмат қилган, устозларнинг муваффақиятли ва машаққатли меҳнатлари эътироф этилди.

Тадбир сўнгига фахрийлар миннатдорчилик сўзлари билдириб, ҳозирги кунда банк тизимида фаолият олиб бораётган ёш навқирон авлод вакилларига соҳа тараққиётига ва иқтисодий тиричилик янада ривожлантириш йўлидаги саъй-ҳаракатларида ўз билими ва салоҳияти билан муносиб хизмат қилишларини талаб қилишди.

Хайрулла ХОЛТЎРАЕВ
"Агробанк" АТБ Матбуот хизмати ходими

БАЙРАМИНГИЗ МУБОРАК БЎЛСИН!



Мамлакатимизда 1 октябрь – Ўқитувчи ва мураббийлар кунини умумхалқ байрами деб эълон қилинганлиги юртимиз тараққиётига улкан ҳисса қўшаётган устоз ва мураббийлар меҳнатининг юксак эътирофи, уларга билдирилган ҳурмат ва эътибор намунасидир.

"Ипотека-банк" АТИБ бош офисиде ушбу байрам муносабати билан тадбир бўлиб ўтди.

Тадбирда банк Бошқаруви раиси иштирок этиб, йиғилганларни байрам билан қутлаб, бу айём билан авваламбор, энг биринчи устозларимиз бўлмиш ота-оналарни табриклаш кераклигини алоҳида таъкидлаб ўтди.

Шунингдек, тадбир давомида Устоз-шогирд йўналишида фаолият олиб бораётган, ўз билим ва кўникмаларини ёш ходимларга ўргатиб келаётган устоз мақомидаги бир қанча ходимларни эътироф этилиб, эсдалик совғалари топширилди.

УСТОЗЛАР БАЙРАМИ НИШОНЛАНДИ

1-октябрь санаси мамлакатимиз бўйлаб кенг нишонланмоқда. Ўзбекистон Республикаси Банк-молия академиясида ҳам ушбу байрам тантанали равишда нишонланди.

Унда Академия ректори Бахриддин Бердияров сўзга чиқиб, барча ўқитувчи ва мураббийларни ушбу айём билан самимий муборакбод этиб, уларга шарафли ва машаққатли фаолиятида зафарлар тилади. Академиянинг фахрли профессори М.Йўлдошев ҳам устоз ва мураббийларни касб байрами билан муборакбод этди.



Академия тингловчилари ҳам сўзга чиқиб, устозларни қутлар эканлар, уларнинг шарафли ишларида муваффақиятлар тилашди. Олаётган қимматли таҳсиллари учун устозларга ўз миннатдорчиликларини билдиришди.

Тадбир давомида Академия ректори бир қатор номинациялар бўйича устоз ва мураббийларни тақдирлади.

ҲАМИША ЭЪЗОЗДАСИЗ

Ўзбекистон Республикаси Марказий банкининг Самарқанд вилояти Бош бошқармасида мазкур кунга бағишлаб байрам тадбири ўтказилди. Унда элимиз ардоғидаги инсон, жонкуяр ва меҳнатсевар устоз, "Ўзбекистон қаҳрамони" давлат унвони соҳиби – Ҳасан Нормуродов тадбирининг азий меҳмони бўлди.



Ҳасан Нормуродов Ватанимизда бугун олиб борилаётган ислохотларнинг аҳамияти, юртимиздаги тинчлик ва осейишталикнинг қадри ҳақида сўзлади. Шунингдек, устоз юрт тараққиёти йўлида ҳар бир фуқаро ўз ҳиссасини қўшиши лозимлиги ҳақида тингловчининг қалбига етиб боровчи, кишини янада шижоат ва меҳнатга ундовчи мулоҳазаларни ўртага ташлади.


Инсоннинг камол топиши, жамиятнинг муносиб аъзоси бўлиб етишишида ўқитувчи ва мураббийларнинг ўрни бекиёс. Ҳасан Нормуродов ҳам устозларнинг фидойи меҳнати ҳақида гапириб, уларга давлатимиз томонидан кўрсатилаётган эътибор ҳақида тўхталди.

Тадбирда Марказий банкнинг Самарқанд вилояти Бош бошқармасида кўп йиллар самарали меҳнат қилиб келаётган устоздек эъзозли мутахассислар ҳам қатнашиб, банк бошқармаси томонидан ташаккурнома ва эсдалик совғалар билан тақдирландилар.

ХИТОЙ БАРИБИР УДДАСИДАН ЧИҚАДИ

Хитой Халқ банкининг расмий вебсаҳифасида жойлаштирилган баёнотда қайд этилишича, Хитой етарли даражада ликвидлиликни таъминлаган ҳолда ўз иқтисодийнинг сустрлаш-виг қарши курашиш мақсадида айрим иқтисодий тузатишларни жорий этишни режалаштирмоқда.

Баёнотда айтилишича, "оқилона пул-кредит сиёсатини юритишда давом этади ва тегишли чораларни амалга оширади".



Шунингдек, Марказий банк баёнотида маълум қилинишича, реал иқтисодиётда банк тармоғининг ликвидлилик оқими яхшиланишига хизмат қилувчи йўллар топилади ҳамда маржанинг қисқариши ва "ёмон" қарзларнинг даражаси ортишидан зиён кўрган кичикроқ банкларнинг сармояларини жалб этиш бўйича чора-тадбирлар қўллаб-қувватланади.

Хитой ЯИМ кўрсаткичи II чорақда йиллик ҳисобга, яъни сўнгги 27 йил ичидаги минимал суръат ҳисобланмиш 6,2 фоизга ўсди. I чорақда бу кўрсаткич 6,4 фоизни ташкил этганди. Август ойидаги статистик маълумотлар жорий чорақда иқтисодиёт сустрлаши-шига ишора қилди.

Аввалроқ, сентябрь ойида Хитой Халқ банки кредитлар бўйича асосий ставкасини яна бир бор пасайтирди.

Кейинги пайтда vestifinance.ru тарқатган маълумотга кўра, ўз акцияларини глобал биржаларда жойлаштириш орқали инвестиция жалб қилаётган компаниялар сони глобал иқтисодиётнинг салбий истиқболлари сабабли жадаллик билан қисқариб бормоқда.

Инвесторлар эртанги кунга ишонч билдирмаётгани боис янги компанияларга камроқ маблағ сарфлашмоқда.

Жорий йилда ўтган 9 ой мобайнида 845 та компания бутун дунё бўйича бирламчи оммавий эълонни жойлаштирган. Бу эса 2018 йилнинг шу даврига нисбатан 25 фоиз кам кўрсаткич бўлишидан ташқари сўнгги уч йилдаги энг паст даража ҳамдир.

Ушбу битимлар ҳисобига компаниялар 116 мил-

КОМПАНИЯЛАР СОНИ
ҚИСҚАРМОҚДА



лиард АҚШ доллари жалб қилган бўлиб, ўтган йилга нисбатан 23 фоиз паст кўрсаткичдир. Бу эса 2016 йилдаги энг паст натижадир.

Смартфондан маҳсулот ва хизматлар учун тўловни қабул қилиш имкониятига эга терминал сифатида фойдаланиш тобора оммалашмоқда. Бунга йирик банклар ва тўлов тизимлари жорий этаётган янгиликлар сабабли эришилмоқда.

Гап шундаки, смартфон ёки планшетлардан pos-терминал сифатида фойдаланиш учун банк томонидан ишлаб чиқилган илова талаб этилади. Мижоз олдиндан банкка ариза тақдим этади ва шундан сўнг "эквайринг" битими тузилади.

Маҳсулот ёки хизмат учун тўлов қабул қилиш жараёнида сотувчи иловани очиши ва маҳсулот ёки хизмат қийматини киритади, харидор эса Apple Pay, Samsung Pay ёки Google Pay да ишлайдиган NFC-қурилмаси ёки алоқасиз картани теккизиб қўяди.

Сбербанк бу каби хизматни

СМАРТФОНЛАРГА ЯНА ФУНКЦИЯ ҚЎШИЛМОҚДА



2018 йил декабрда Mastercard билан ҳамкорликда ишга туширган эди. Тўлов тизими вакилларида бири Михаил Федосеев маълум қилишича, бу Россияда ишга туширилган шу сингари хизматнинг энг биринчиси ҳисобланади. Худди шундай маҳсулотни Visa ёки "Мир" билан ҳамкорликда ишлаб чиқиш борасидаги режалар ҳақида сўралганида Сбербанк вакили

"ҳозирда технологияларни мақбуллаштириш ва истиқболда жорий этиш йўллари кенгайтириш масалалари муҳокама қилинаётганини қайд этди.

Айни пайтда смартфонга тўлов қабул қилиш имконини берувчи технологияларни текширувдан ўтказиш ишлари бошланган. Бу имконни берувчи технологияларни ишлаб чиқиш билан бир қатор йирик IT-вендорлар ва молиявий технологик компаниялар шуғулланмоқда. Visa вакили маълум қилишича, тўлов тизими бозорнинг йирик иштирокчилари билан ишлаб келмоқда. Бу қарор эквайринг бизнесини тўлдирди ва ҳозирча хизмат ёки маҳсулот учун тўловлар нақд шаклда амалга ошири-лаётган соҳаларда электрон тўловлар тармоғини кенгайтиришга имкон беради.

Ҳар қандай ходим катта миқдордаги маош олишни истайди, бироқ бунинг учун нафақат талабгор мутахассисликка эга бўлиш керак, балки кўп миқдордаги маош бера оладиган ташкилотга ишга кириш ҳам талаб этилади.

Glassdoor мутахассислари 2019 йилда энг юқори ҳажмдаги маош берадиган компаниялар рўйхатини тузди. Рўйхатдан ходимнинг йиллик ўртача маоши 130 минг АҚШ долларидагидан ортиқдиган компаниялар ўрин олган.

Қуйида энг юқори ўртача маош берадиган 10 та компания ҳақида маълумот берамиз:

1. Palo Alto Networks

Энг юқори маош: 247-271 минг АҚШ доллари

Ўртача маош: 170 929 АҚШ доллари

Palo Alto Networks — бу ташкилотлар, ҳукумат идоралари ва корхоналарнинг киберхавфсизлигини таъминлашга кўмак берадиган, Америкада фаолият юритаётган АТ-компания ҳисобланади.

Компанияга 2005 йил исроиллик тадбиркор Нир Цук томонидан асос солинган. 2007 йилда у ўзининг биринчи брендмауэрини ишлаб чиқарди. Тармоқлар ҳимояси бўйича илғор компания соҳибидир.

2. NVIDIA

Энг юқори маош: 436-472 минг АҚШ доллари

ЭНГ КАТТА МАОШИ ТОП ЎНТАЛИГИ



Ўртача маош: 170 068 АҚШ доллари

NVIDIA — график процессор ва чипда ишлайдиган тизимларни ишлаб чиқарувчи технологик компания. (АҚШ).

Компания видеоўйинлар саноати, профессионал тасвирга тушириш тармоғи, юқори ишлаб чиқариш қувватига эга қўшилмалар ва автомобиль саноати учун муҳим дастурий таъминотларни тақдим этади.

3. Twitter

Энг юқори маош: 255-274 минг АҚШ доллари

Ўртача маош: 162 852 АҚШ доллари

Twitter — веб майдон ёрдамида оммавий хабарларни тарқатиш ижтимоий тармоғи саналади ва турли ёшдаги фойдаланувчиларни ўзига

жалб эта олганлиги билан ажралиб туради.

Қисқа ёзишмаларни "блог" шаклида нашр қилиш "микроблогинг" номини олган бўлиб, ушбу хизматдан фойдаланиш бепулдир.

4. Gilead Sciences

Энг юқори маош: 377-411 минг АҚШ доллари

Ўртача маош: 162 210 АҚШ доллари

Gilead Sciences — Американинг биофармацевтик компанияси бўлиб, дори воситаларни ишлаб чиқаради.

1987 йилда ташкил топган компания аввалига тумов, гепатит В ва С, ОИРВ сингари касалликларни даволайдиган дори воситаларини ишлаб чиқаришга ихтисослаштирилган эди.

Кейинроқ фирма фаолиятида он-

кологик касалликларни даволашга қаратилган дори воситаларини ишлаб чиқиш асосий ўринни эгаллади.

5. Google

Энг юқори маош: 695-762 минг АҚШ доллари

Ўртача маош: 161 254 АҚШ доллари

Google — Американинг трансмиллий оммавий корпорацияси бўлиб, 2015 йил 15 октябрда Alphabet Inc. халқаро компания таркибиде қайта ташкил этилган. Компания ўз фаолиятини интернет қидириш тизими, булутли ҳисоблар ва реклама технологияларига сармоя кириштишга бағишлаган.

Google бир қатор интернет хизматларни қўллаб-қувватлайди ва ишлаб чиқади. Ўз даромадининг асосий қисмини рекламандан топади.

Шунингдек, кейинги поғоналарни VMware (йирик дастурий таъминотчи компания) йилига ўртача 158 063 АҚШ долларилик иш ҳақи билан, LinkedIn (ишбилармонлар доирасини излаш ва улар ўртасида алоқа ўрнатишга ихтисослашган тармоқ) йилига ўртача 154 402 АҚШ долларилик маоши билан, Facebook (дунёнинг энг йирик ижтимоий тармоғи) йилига ўртача 152 962 АҚШ долларилик иш ҳақи билан эгаллади. Тўққиз ва ўнчи ўринларда эса Salesforce.com (йилига ўртача 150 379 АҚШ доллари) ва Microsoft (148 068 АҚШ доллари) компаниялари турибди.

AMAZONДАН 5 ТА ЯНГИЛИК

Amazon компанияси яқинда ўтказган тақдиротда ўн бешдан ортиқ қурилмалар — камерадан тортиб, роутер, овоз кучайтиргич, симсиз қулоқчинлар, микроўлқинли печь ва бошқа турдаги мосламаларни намойиш этди.

Amazon Echo Frames

Echo Frames кўзойнаклари оддийга ўхшаб туюлади. Бироқ бу унда open-ear технологияси қўлланилган бўлиб, Alexa номи билан юритилувчи овозли ёрдамчи орқали мулоқот ўрнатишнинг имкони бор. Кўзойнаклар смартфонга яқин жойлашган бўлиши керак. Сабаби уларда интернетни улаб берувчи Wi-Fi модули мавжуд эмас. Натижада кўзойнакни овозли ёрдамчи

сифатида қўллаш мумкин: унда музика тинглаш ёки кўнғирокларни амалга оширсан бўлади. Қуввати бир кунга етади. Нархи ўртача 180 АҚШ доллариға тенг.

Echo Loop узуги

Echo Loop узуги — Alexa номли овозли ёрдамчига, шунингдек микрофон ва динамикага эга узук кўринишидаги мослама. Узук орқали сўхбатлашиш учун қурилмадаги махсус тугмачани бо-

сиш керак.

Худди юқоридаги кўзойнак сингари тўлиқ ишлаши учун смартфон керак бўлади. Узук титандан тайёрланган бўлиб, эълон қилинган нархи 130 АҚШ доллариға етади.

Echo Studio

Amazon "ақлли" овозкучайтиргич Echo Studioни тақдим этди. Унинг ҳажми Apple HomePod ва Google Nest Max билан деярли тенг. Бу янги қурилма аввалгиларига қараганда каттароқ ҳажмда ишлаб чиқарилган бўлиб, Dolby Atmos дастурли 3D-овозни тарқатади.

200 АҚШ долларилик Echo Studio Music HD стриминг хизмати учун махсус ишлаб чиқилган бўлиб, унинг ёрдамида музикани сифатли тинглаш мумкин. Қурилмада учта ўртача динамика, твитер ва сабвуфер мавжуд бўлиб, корпусига ўрнатилган микрофонлар бинонинг турига қараб автоматик равишда турлича ишлайди.

Amazon's Echo Buds

Amazon "бутунлай" симсиз қулоқчинлар Echo Budsни намойиш қилди. Қурилмада Alexa номли овозли ёрдамчи ва Bose дан шовкин йўқотувчи технология ишлайди. Улар ёрдамида ҳатто такси чақирсан бўлади ёки сайр қилиш мобайнида яқиндаги қаҳвахона

топсан бўлади. Қулоқчинлар сув ва чангдан IPX4 стандарти бўйича муҳофаза этилган. Echo Buds учта микрофон билан таъминланган. Имо-ишоралар орқали бирор ҳаракатни амалга ошириш имконияти бор, масалан, тугмани кетма-кет икки марта босиш Bose шовкинни бартараф этиш хизматини ўчиради ёки ёқиб қўяди. Қувватлагичсиз беш соат мобайнида ишлай оладиган қурилманинг нархи 129 АҚШ доллари бўлиши кутилмоқда.


Amazon Smart Oven

Amazon янги интеллектуал печ — Amazon Smart Ovenни тақдим этди. Қурилма микроўлқинли, конвекцион печь, қуритгич ва таомни бир хил ҳароратда ушлаб турувчи воситаларнинг аралашмасидан таркиб топган. Микроўлқинли печь эгаси Alexa овозли ёрдамчисидан у ёки бу таомни тайёрлаб беришни сўраши мумкин. Alexa эса егулик тайёр бўлганда хабар беради. Amazon Smart Oven Echo Dot бепул овозкучайтиргичи билан етказиб берилади. Сабаби қурилмага микрофон ёки динамикалар ҳозирча ўрнатилмаган. Тез орада печни АҚШдан 249,99 доллариға буюртма қилиш мумкин.



FACEBOOK ВА APPLE БАНКЛАРНИНГ ЎРНИНИ БОСА ОЛАДИМИ?

Сўнгги вақтларда банклар янги турдаги молиявий технологик стартаплар билан ҳамкорликни ривожлантирмоқда. Бироқ Facebook ва Apple сингари технологик гигантлар ҳам молиявий хизматларни тақдим этаётганлиги боис улар ҳам жадал суръатларда ишлашига тўғри келмоқда.



Йирик банклар замона зайлига қараб ишлаш ва ўзгариш лозимлигини аллақачон англаб етган. Шу боис кўплаб банклар ҳамкорлик битимларини тузмоқда ёки айрим рақобатбардош стартапларни харид қилмоқда.

Лондонда SWIFT томонидан ташкиллаштирилган Sibos конференциясида банклар раҳбарлари баёнотиға кўра, банкларнинг ҳамкорлигидан кўзланган мақсад ягона: махсус технологик кўникмаларға эга бўлмасдан туриб Facebook ёки Apple сингари компанияларнинг техник имкониятини қўлга киритишдир. Ҳамонки банклар қатъий тартибға солинар экан, технологик компаниялар билан ҳамкорлик истиқболлари ҳам қимматга тушмайди янги маҳсулотлар билан тараққиётга ўтказишға имкон беради.

"Биз, шубҳасиз, кўплаб молиявий технологик компаниялар билан ҳамкорлик ўрнатамиз, бунинг яна бир сабаби ўрганишға

бўлган эҳтиёжнинг катталиги, — деди Westpac компаниясининг тараққиёт бўйича бош директори Макгрегор Дункан. — Айни пайтда банкларнинг салоҳияти ва имконияти янада ошиши учун ҳам ҳамкорлик ўрнатиб келмоқдамиз. Зотан, бундай лойиҳаларни банк ичида ташкил этганимизда бунга кўпроқ вақт ва маблағ сарфланган бўларди. Шу боис кўп нарса талаб этилмайди лойиҳаларға қўл уриш таваккалчилик даражасини пасайтиради".

Банклар жадал суръатларда ҳаракат қилишға тўғри келади, сабаби технологик гигантлар оммавий молиявий хизматларни борган сари қамраб олмоқда.

Аввалроқ Deutsche Bank бош директори Кристиан Шивинг Google, Amazon, Facebook ва Alipay сингари компанияларни банкларнинг "бозордаги улушини тортиб олаётган"лар сифати қиритганди.

Хитойдаги технологик компаниялар истеймолчиларнинг хара-

жатиға таъсир кўрсатмоқда. Хусусан, Alipay ва Tencentнинг WeChat Pay мобил ҳаёмларнинг мамлакатдаги нуфузи ортиб бормоқда.

Айни пайтда Американинг гигант компаниялари ҳам муваффақият қозониб келмоқда: Apple яқинда Goldman Sachs билан ҳамкорликда кредит картани ишға туширган бўлса, Facebook кўп баҳсларға сабаб бўлаётган Libra номи билан аталган рақамли валюта лойиҳасини жорий этди.

"Улар мижозларни жалб этиш учун катта миқдордаги маблағини сарфлашға тўғри келади", — деди Bud молиявий технологик фирмаси бош директори Эд Маславецкас.

Bud ўзининг Лондондаги бош идорасида банкларға ўзидаги ва молиявий компанияларнинг иловалари ҳамда молиявий хизматлар таъминотчиларининг маълумотларини бирлаштириш имконини берувчи майдон ишлаб чиқмоқда. 2016 йил Bud фирмаси бир неча таъминотчиларнинг молиявий хизматларини ягона иловаға бирлаштиришға ҳаракат қилганди. Ўтган давр мобайнида мазкур лойиҳа бир неча бор такомиллаштирилди. Bud технологияси банк мижозларига ўзларининг молиявий маҳсулотларини ягона илова ёрдамида бошқариш имконини берувчи янги хизматларни ташкил этмоқда.

Bud раҳбари қўшимча қилишча, Apple ўзи томонға кўплаб мижозларни оғдириб олаётганлиги боис банклар учун "катта хавф" туғдиради. Айнан шундай фикрни Accenture консалтинг фирмаси вакили Сулабх Агарвал ҳам илгари сурди.

ИНҚИРОЗНИНГ ИЛК УЧҚУНЛАРИ: ГЛОБАЛ ҚАРЗДОРЛИК РЕКОРД ДАРАЖАДА ЎСДИ

Еўнинг IPO бўйича маслаҳатчиси Мартин Штайнбахнинг фикриға кўра, пасайиш сабаблари глобал иқтисодий ўсиш сустлаши билан боғлиқ хавф, шунингдек геосийёсий таваккалчилик туфайли юзаға келган мавҳумлик, жумладан АҚШ ва Хитой ўртасидаги савдо зиддияти, ЕИ таркибидан Буюк Британиянинг чиқиб кетиши, Гонконгдаги можаролар ва Эрон омили билан боғлиқ.



Японияда битимлар ҳажми 57 фоиз қисқарди ва 12 IPO га етди. Тушум 2018 йилнинг III чорағига нисбатан 74 фоиз камайди ва 488 миллион АҚШ доллариға етди. Жанубий Шарқий Осиёда кўрсаткичлар салмоқли ўсди, сабаби худудда 2,9 миллиард АҚШ долларилик тушум 40 IPOга тенг бўлди.

Трансегаравий IPO фаоллиги сезилмас даражада ортди. 2019 йил аввалидан бунан 10 фоиз ортди ва 2018 йилға нисбатан 9 фоиз ўсди. Бундан ташқари, инвесторлар кайфияти ва IPOга бўлган иштиёқ 2019 йил IV чорақда яхшила-ниши мумкинлиги тахмин қилинмоқда.

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ ҚАРОРИ

**БАНКЛАРНИ РЎЙХАТГА ОЛИШ
ВА УЛАР ФАОЛИЯТИНИ
ЛИЦЕНЗИЯЛАШ ТАРТИБИ
ТЎҒРИСИДАГИ НИЗОМГА
ЎЗГАРТИРИШЛАР КИРИТИШ
ҲАҚИДА**

*Ўзбекистон Республикаси Адлия
вазирлиги томонидан 2019 йил
30 июлда 2014-16-сонли рақам
билан рўйхатдан ўтказилди*

Ўзбекистон Республикасининг "Ўзбекистон Республикасининг Марказий банки тўғрисида"ги, "Банклар ва банк фаолияти тўғрисида"ги қонунлари ва Ўзбекистон Республикаси Президентининг 2019 йил 21 майдаги ПФ-5723-сон "Меҳнатга ҳақ тўлаш, пенсиялар ва бошқа тўловлар миқдорларини аниқлаш тартибини такомиллаштириш тўғрисида"ги Фармони ҳамда Ўзбекистон Республикаси Вазирлар Маҳкамасининг 2019 йил 3 июлдаги 555-сон "Ўзбекистон Республикасининг Миллий гвардияси қўриқлаш хизматининг фаолиятини ташкил этиш тўғрисида"ги қарорига мувофиқ Ўзбекистон Республикаси Марказий банки Бошқаруви қарор қилади:

1. Ўзбекистон Республикаси Марказий банки Бошқарувининг 2009 йил 15 августдаги 23/3-сон қарори (рўйхат рақами 2014, 2009 йил 8 октябрь) (Ўзбекистон Республикаси қонун ҳужжатлари тўплами, 2009 й., 41-сон, 447-модда) билан тасдиқланган Банкларни рўйхатга олиш ва улар фаолиятини лицензиялаш тартиби тўғрисидаги низомга иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

Ўзгартиришларнинг 2-банди 2019 йил 1 сентябрдан кучга киради.

**Марказий
банк раиси** **М. НУРМУРАТОВ**
Тошкент ш.,
2019 йил 13 июль,
15/12-сон

*Ўзбекистон Республикаси
Марказий банки Бошқарувининг
2019 йил 13 июлдаги 15/12-сон
қарорига
ИЛОВА*

**БАНКЛАРНИ РЎЙХАТГА ОЛИШ
ВА УЛАР ФАОЛИЯТИНИ
ЛИЦЕНЗИЯЛАШ ТАРТИБИ
ТЎҒРИСИДАГИ НИЗОМГА
КИРИТИЛАЁТГАН
ЎЗГАРТИРИШЛАР**

1. 42-банддаги "ички ишлар идоралари ҳузуридаги қўриқлаш бўлимлари" деган сўзлар "Ўзбекистон Республикаси Миллий гвардияси қўриқлаш хизмати" деган сўзлар билан алмаштирилсин.

2. 90-банднинг биринчи хатбошисидаги "энг кам ойлик иш ҳақининг" деган сўзлар "базавий ҳисоблаш миқдорининг" деган сўзлар билан алмаштирилсин.

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ ҚАРОРИ

**ЎЗБЕКИСТОН РЕСПУБЛИКАСИ БАНКЛАРИДА ОЧИЛАДИГАН БАНК ҲИСОБВАРАҚЛАРИ
ТЎҒРИСИДАГИ ЙЎРИҚНОМАГА ЎЗГАРТИРИШЛАР КИРИТИШ ҲАҚИДА**

*Ўзбекистон Республикаси Адлия вазирлиги томонидан 2019 йил 23 августда 1948-18-сонли рақам
билан рўйхатдан ўтказилди*

Ўзбекистон Республикасининг "Ўзбекистон Республикасининг Марказий банки тўғрисида"ги Қонуни ҳамда Ўзбекистон Республикаси Президентининг 2019 йил 21 майдаги ПФ-5723-сон "Меҳнатга ҳақ тўлаш, пенсиялар ва бошқа тўловлар миқдорларини аниқлаш тартибини такомиллаштириш тўғрисида"ги Фар-

Марказий банк раиси
Тошкент ш.,
2019 йил 10 август,
18/4-сон

*Ўзбекистон Республикаси Марказий банки Бошқарувининг 2019 йил 10
августдаги 18/4-сон қарорига
ИЛОВА*

**ЎЗБЕКИСТОН РЕСПУБЛИКАСИ БАНКЛАРИДА ОЧИЛАДИГАН БАНК ҲИСОБВАРАҚЛАРИ
ТЎҒРИСИДАГИ ЙЎРИҚНОМАГА КИРИТИЛАЁТГАН ЎЗГАРТИРИШЛАР**

1. 8-банднинг бешинчи хатбошисидаги "энг кам ойлик иш ҳақининг" деган сўзлар "базавий ҳисоблаш миқдорининг" деган сўзлар билан алмаштирилсин.

2. 33-бандда:

иккинчи хатбоши чиқариб ташлансин;
учинчи хатбоши иккинчи хатбоши деб ҳисоблансин.

3. 46-банднинг биринчи хатбошисидаги "суриштирувчи, терговчи" деган

Республикаси банкларида очиладиган банк ҳисобварақлари тўғрисидаги йўриқномага иловага мувофиқ ўзгартиришлар киритилсин.

2. Мазкур қарор расмий эълон қилинган кундан эътиборан кучга киради.

Ўзгартиришларнинг 1-банди 2019 йил 1 сентябрдан кучга киради.

М. НУРМУРАТОВ

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ ҚАРОРИ

**ТИЖОРАТ БАНКЛАРИ ТОМОНИДАН НОРЕЗИДЕНТЛАРНИНГ ЎЗБЕКИСТОН РЕСПУБЛИКАСИ
МИЛЛИЙ ВАЛЮТАСИДАГИ ҲИСОБВАРАҚЛАРИНИ ЮРИТИШ ТАРТИБИГА ЎЗГАРТИРИШЛАР ВА
ҚЎШИМЧА КИРИТИШ ТЎҒРИСИДА**

*Ўзбекистон Республикаси Адлия вазирлиги томонидан 2019 йил 23 августда 510-6-сонли рақам
билан рўйхатдан ўтказилди*

Ўзбекистон Республикасининг "Ўзбекистон Республикасининг Марказий банки тўғрисида"ги ва "Валютани тартибга солиш тўғрисида"ги қонунларига мувофиқ, Ўзбекистон Республикаси Марказий банки Бошқаруви қарор қилади:

Марказий банк раиси
Тошкент ш.,
2019 йил 20 июль,
16/6-сон

*Ўзбекистон Республикаси Марказий банки Бошқарувининг
2019 йил 20 июлдаги 16/6-сон қарорига
ИЛОВА*

**ТИЖОРАТ БАНКЛАРИ ТОМОНИДАН НОРЕЗИДЕНТЛАРНИНГ ЎЗБЕКИСТОН РЕСПУБЛИКАСИ
МИЛЛИЙ ВАЛЮТАСИДАГИ ҲИСОБВАРАҚЛАРИНИ ЮРИТИШ ТАРТИБИГА КИРИТИЛАЁТГАН
ЎЗГАРТИРИШЛАР ВА ҚЎШИМЧА**

1. 2.1-банд куйидаги мазмундаги хатбоши билан тўлдирилсин:

"қонун ҳужжатларида белгиланган бошқа ҳолларда".

2. 4.1-банднинг биринчи хатбошиси куйидаги тахрирда баён этилсин:

"4.1. Банк фаолияти билан шуғулланиш ёки хорижий валютада операцияларни ўтказиш учун тегишли лицензияга эга бўлган хорижий банклар Ўзбекистон Республикасининг тижорат банкларида "лоро" корреспондентлик ҳисобварақларини очишлари мумкин."

ҳисобварақларини юритиш тартибига (рўйхат рақами 510, 1998 йил 22 октябрь) иловага мувофиқ ўзгартиришлар ва қўшимча киритилсин.

2. Ушбу қарор расмий эълон қилинган кундан эътиборан кучга киради.

М. НУРМУРАТОВ

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ ҚАРОРИ

**ЎЗБЕКИСТОН РЕСПУБЛИКАСИ ҲУДУДИДА БАНКЛАРДА ЭЛЕКТРОН АХБОРОТЛАРНИ
МУҲОФАЗАЛАШНИ ТАШКИЛ ЭТИШ ТЎҒРИСИДАГИ ЙЎРИҚНОМАНИНГ 6-БАНДИГА ЎЗГАРТИРИШ
КИРИТИШ ҲАҚИДА**

*Ўзбекистон Республикаси Адлия вазирлиги томонидан 2019 йил 26 августда 1047-4-сонли рақам
билан рўйхатдан ўтказилди*

Ўзбекистон Республикаси Вазирлар Маҳкамасининг 2019 йил 3 июлдаги 555-сон "Ўзбекистон Республикаси Миллий гвардияси қўриқлаш хизматининг фаолиятини ташкил этиш тўғрисида"ги қарорига мувофиқ Ўзбекистон Республикаси Марказий банки Бошқаруви қарор қилади:

1. Ўзбекистон Республикаси Марка-

Марказий банк раиси
Тошкент ш.,
2019 йил 10 август,
18/18-сон

зий банки Бошқарувининг 2001 йил 23 июндаги 14/13-сон (рўйхат рақами 1047, 2001 йил 9 июль) (Ўзбекистон Республикаси вазирликлари, давлат қўмиталари ва идораларининг меъёрий ҳужжатлари ахборотномаси, 2001 й., 13-сон) қарори билан тасдиқланган Ўзбекистон Республикаси ҳудудида банкларда электрон ахбо-

ротларни муҳофазалашни ташкил этиш тўғрисидаги йўриқноманин 6-банди "в" кичик бандидаги "Ички ишлар органлари қўриқлаш бўлиналари" деган сўзлар "Ўзбекистон Республикаси Миллий гвардияси қўриқлаш хизмати" деган сўзлар билан алмаштирилсин.

2. Мазкур қарор расмий эълон қилинган кундан эътиборан кучга киради.

М. НУРМУРАТОВ

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ ҚАРОРИ

МИКРОКРЕДИТ ТАШКИЛОТЛАРИ ТОМОНИДАН
МОЛИЯВИЙ ОПЕРАЦИЯЛАРНИ АМАЛГА
ОШИРИШ ҚОИДАЛАРИГА ЎЗГАРТИРИШ ВА
ҚЎШИМЧАЛАР КИРИТИШ ҲАҚИДА

**Ўзбекистон Республикаси Адлия вазирлиги
томонидан 2019 йил 29 августда 1642-5-сонли
рақам билан рўйхатдан ўтказилди**

Ўзбекистон Республикасининг "Ўзбекистон Республикасининг Марказий банки тўғрисида"ги, "Микрокредит ташкилотлари тўғрисида"ги қонунлари ва Ўзбекистон Республикаси Президентининг 2019 йил 23 июлдаги ПҚ-4400-сон "Микромолиявий хизматлар оммабоплигини ошириш чора-тадбирлари тўғрисида"ги қарорига мувофиқ Ўзбекистон Республикаси Марказий банки Бошқаруви қарор қилади:

1. Ўзбекистон Республикаси Марказий банки Бошқарувининг 2006 йил 7 октябрдаги 24/3-сон қарори (рўйхат рақами 1642, 2006 йил 23 ноябрь) (Ўзбекистон Республикаси қонун ҳужжатлари тўплами, 2006 й., 46-47-сон, 470-модда) билан тасдиқланган Микрокредит ташкилотлари томонидан молиявий операцияларни амалга ошириш қоидаларига иловага мувофиқ ўзгартириш ва қўшимчалар киритилсин.

2. Мазкур қарор расмий эълон қилинган кундан эътиборан кучга киради.

Марказий банк раиси

М. НУРМУРАТОВ

Тошкент ш.,
2019 йил 10 август,
18/5-сон

**Ўзбекистон Республикаси Марказий банки
Бошқарувининг 2019 йил 10 августдаги
18/5-сон қарорига
ИЛОВА**

МИКРОКРЕДИТ ТАШКИЛОТЛАРИ ТОМОНИДАН
МОЛИЯВИЙ ОПЕРАЦИЯЛАРНИ АМАЛГА
ОШИРИШ ҚОИДАЛАРИГА КИРИТИЛАЁТГАН
ЎЗГАРТИРИШ ВА ҚЎШИМЧАЛАР

1. 2-банд куйидаги мазмундаги хатбоши билан тўлдирилсин:

"Микрокредит ташкилотлари банклар, суғурта компаниялари ва бошқа молия ташкилотларнинг агенти сифатида агентлик хизматларини фақат нақдсиз шаклда кўрсатиш ва агентлик битимининг мавжудлиги тўғрисида ахборотларни ошкор қилиш, шунингдек жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин куралини тарқатишни молиялаштиришга қарши курашиш бўйича қонун ҳужжатлари нормаларини бажариш шарти билан қатнашиш ҳуқуқига эга".

2. 6-банд куйидаги мазмундаги хатбоши билан тўлдирилсин: "жисмоний шахсларга хорижий валютада микрокредитлар (микроқарзлар) бериш ва микрокредитлар (микроқарзлар) бўйича уларнинг мажбуриятларини хорижий валютада ҳисобга олишга; илгари олинган микрокредитлар (микроқарзлар) бўйича сўндирилмаган муддати ўтган қарздорлик мавжуд бўлган тақдирда жисмоний шахсларга янги микромолиявий хизматлар кўрсатишга".

3. 71-банд ўз кучини йўқотган деб топилинсин.

4. 9 ва 91-бандлар куйидаги тахрирда баён этилсин:

"9. Бир қарздорга берилган микроқарз миқдори 50 млн сўмдан ошиши мумкин эмас.

Бир қарздорга берилган микрокредит миқдори 300 млн сўмдан ошиши мумкин эмас.

91. Микрокредит ташкилотлари барча ишончли (бланкли) кредитларнинг улар шакллантирган устав фондига фоииз нисбатини мустақил равишда белгилайди".

5. 10-банд куйидаги мазмундаги хатбоши билан тўлдирилсин:

"Бунда, микрокредит ташкилотларига жисмоний шахслардан қисқа муддатли микромолиявий хизматлар таъминотида кўчмас турар жой мулкни гаров сифатида қабул қилиш тақиқланади".

6. Куйидаги мазмундаги 101-банд билан тўлдирилсин:

"101. Микрокредит ташкилотлари потенциал қарз олувчини масофадан туриб идентификациялаш, маълумотлар хавфсиз алмашувини амалга ошириш ва скоринг модели асосида қарз олувчининг кредит қобилиятини баҳолашни таъминлаш шарти билан жисмоний шахсларга онлайн-кредитлар (микроқарзлар) бериш ҳуқуқига эга".

7. 12-банддаги "энг кам иш ҳақининг икки минг баравари миқдоридан" деган сўзлар "600 млн сўмдан" деган сўз билан алмаштирилсин.

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ ҚАРОРИ

ТИЖОРАТ БАНКЛАРИ КРЕДИТ СИЁСАТИГА НИСБАТАН ҚЎЙИЛАДИГАН ТАЛАБЛАР
ТЎҒРИСИДАГИ НИЗОМГА ЎЗГАРТИРИШ ВА ҚЎШИМЧАЛАР КИРИТИШ ҲАҚИДА
**Ўзбекистон Республикаси Адлия вазирлиги томонидан 2019 йил 29 августда
905-6-сонли рақам билан рўйхатдан ўтказилди**

Ўзбекистон Республикасининг "Ўзбекистон Республикасининг Марказий банки тўғрисида", "Банклар ва банк фаолияти тўғрисида"ги қонунлари ва Ўзбекистон Республикаси Президентининг 2019 йил 23 июлдаги ПҚ-4400-сон "Микромолиявий хизматлар оммабоплигини ошириш чора-тадбирлари

тўғрисида"ги қарорига мувофиқ Ўзбекистон Республикаси Марказий банки Бошқаруви қарор қилади:

1. Ўзбекистон Республикаси Марказий банки Бошқаруви томонидан 2000 йил 22 февралда 429-сон (рўйхат рақами 905, 2000 йил 2 март) (Ўзбекистон Республикаси вазирликлари, давлат қўмиталари ва идора-

ларининг меъёрий ҳужжатлари ахборотномаси, 2000 й., 5-сон) билан тасдиқланган Тижорат банклари кредит сиёсати нисбатан қўйиладиган талаблар тўғрисидаги низомага иловага мувофиқ ўзгартириш ва қўшимчалар киритилсин.

2. Мазкур қарор расмий эълон қилинган кундан эътиборан кучга киради.

Марказий банк раиси

М. НУРМУРАТОВ

Тошкент ш.,
2019 йил 10 август,
18/6-сон

**Ўзбекистон Республикаси Марказий банки
Бошқарувининг 2019 йил 10 августдаги
18/6-сон қарорига
ИЛОВА**

ТИЖОРАТ БАНКЛАРИ КРЕДИТ СИЁСАТИГА НИСБАТАН ҚЎЙИЛАДИГАН ТАЛАБЛАР
ТЎҒРИСИДА НИЗОМГА КИРИТИЛАЁТГАН ЎЗГАРТИРИШ ВА ҚЎШИМЧАЛАР

1. 1.5-банд куйидаги тахрирда баён этилсин:

"1.5. Банкнинг кредит сиёсати банк Кенгаши томонидан йилига камида бир марта тегишли йилнинг 1 февралигача бўлган муддатда қайта қўриб чиқиши керак.

Йил давомида заруратга кўра кредит сиёсатига ўзгартириш ва қўшимчалар киритилиши мумкин. Агар кредит сиёсатининг аксарият қисмига (50 фоиздан кам бўлмаган) ўзгартириш ва қўшимчалар киритилаётган бўлса, бунда кредит сиёсатини янги тахрирда қабул қилиш мақсадга мувофиқ".

2. Куйидаги мазмундаги 1.51-банд билан тўлдирилсин:

"1.51. Банкнинг кредит сиёсати, унга киритилган ўзгартириш ва қўшимчалар ёки унинг янги тахрири банк Кенгаши томонидан тасдиқлангандан сўнг 15 кун ичида Марказий банкка тақдим этилиши керак.

Банк Кенгаши томонидан банкнинг кредит сиёсатига ўзгартириш ва қўшимчалар киритиш заруряти мавжуд эмаслиги тўғрисида қарор қабул қилинган тақдирда ушбу қарор қабул қилинган кундан эътиборан 15 кун ичида Марказий банкка Кенгашнинг мажлиси баёнидан

кўчирма тақдим этилади".

3. 2.3-банд куйидаги мазмундаги хатбоши билан тўлдирилсин:

"Кредит сиёсати банкларга тақиқловчи куйидаги қоидаларни ўз ичига олиши керак:

жисмоний шахсларга хорижий валютада кредитлар (қарзлар) бериш ва кредитлар (қарзлар) бўйича уларнинг мажбуриятларини хорижий валютада ҳисобга олиш; илгари олинган кредитлар (қарзлар) бўйича сўндирилмаган муддати ўтган қарздорлик мавжуд бўлган тақдирда жисмоний шахсларга янги микромолиявий хизматлар кўрсатиш".

ЎЗБЕКИСТОН РЕСПУБЛИКАСИ МАРКАЗИЙ БАНКИ БОШҚАРУВИНИНГ ҚАРОРИ

ТИЖОРАТ БАНКЛАРИДА КАССА ИШИНИ ТАШКИЛ ЭТИШ, НАҚД ПУЛ ВА
БОШҚА ҚИММАТЛИКЛАРНИ ИНКАССАЦИЯ ҚИЛИШГА ДОИР ЙЎРИҚНОМАГА
ЎЗГАРТИРИШЛАР КИРИТИШ ҲАҚИДА

**Ўзбекистон Республикаси Адлия вазирлиги томонидан 2019 йил 7 сентябрда
3028-3-сонли рақам билан рўйхатдан ўтказилди**

Ўзбекистон Республикаси Вазирлар Маҳкамасининг 2019 йил 3 июлдаги 555-сон "Ўзбекистон Республикаси Миллий гвардияси қўриқлаш хизматининг фаолиятини ташкил этиш тўғрисида"ги қарорига мувофиқ Ўзбекистон Республикаси Марказий банки Бошқаруви қарор қилади:

Марказий банк раиси

М. НУРМУРАТОВ

Тошкент ш.,
2019 йил 24 август,
21/9-сон

**Ўзбекистон Республикаси Марказий банки
Бошқарувининг 2019 йил 24 августдаги
21/9-сон қарорига
ИЛОВА**

ТИЖОРАТ БАНКЛАРИДА КАССА ИШИНИ ТАШКИЛ ЭТИШ, НАҚД ПУЛ ВА
БОШҚА ҚИММАТЛИКЛАРНИ ИНКАССАЦИЯ ҚИЛИШГА ДОИР ЙЎРИҚНОМАГА
КИРИТИЛАЁТГАН ЎЗГАРТИРИШЛАР

1. 79-банднинг иккинчи хатбошидаги "ички ишлар органининг" деган сўзлар "Ўзбекистон Республикаси Миллий гвардиясининг" деган сўзлар билан алмаштирилсин.

3. 159-банднинг иккинчи хатбошидаги "ички ишлар органи" деган сўзлар "Ўзбекистон Республикаси Миллий гвардияси" деган сўзлар билан алмаштирилсин.

2. 81-банднинг учинчи хатбошидаги "энг кам иш ҳақининг" деган сўзлар "базавий ҳисоблаш

миқдорининг" деган сўзлар билан алмаштирилсин.

4. 170-банднинг биринчи хатбошидаги, 176-банднинг иккинчи хатбошидаги ва 340-банднинг биринчи хатбошидаги "ички ишлар органи" деган сўзлар "Ўзбекистон Республикаси Миллий гвардияси" деган сўзлар билан алмаштирилсин.

“ТРАСТБАНК” ЮБИЛЕЙИНИ ЎЗГАЧА НИШОНЛАДИ



(Бошланиши 1-саҳифада)

Албатта, Банк олдида қўйган мақсадлар жуда кўп, келажакда ҳар бир вилоятда филиал очишни режалаштирганмиз. Бугун фурсатдан фойдаланиб, барча жамоаларга омад ёр бўлишини тилаймиз! – дея у сўзини якунлади.

Спорт айёмининг очиши маросимида барча жамоалар саф тортгач, бокс бўйича олтин ва кумуш медал соҳиблари Мирзизбек Мирзахалилов ва Дилшод Рўзметовлар томонидан Ўзбекистон Республикаси давлат Мадҳияси садоси остида мамлакатимиз байроғи баланд кўтарилиб, спартакиада мусобақалари очик деб эълон қилинди.

Олий ўқув юртлари спорт мажмуаси стадионида ўтказилган “Спартакиада” ўйинларида банк ходимлари бешта спорт турида: енгил атлетика (эстафета), шахмат, волейбол (аёллар ва эркеклар ўртасида), баскетбол ва мини-футбол турлари бўйича ўзаро куч синашди.

“Ҳар бир ходим Банк равнақида узоқ йиллар ўз хиссасини қўшади” шиори остида ўтказилган спорт байрами профессионаллар мусобақаси бўлмаса-да, барча иштирокчилар унга пухта тайёргарлик кўришди. Мухлислар эса тadbир давомиде янада байрамона муҳит яратишди.

Муросасиз ва қизгин, лекин ўзаро ҳурмат руҳида ўтган спорт ўйинлари якунига кўра енгил атлетика ўйинларида (эстафета): III - ўрин – Бош офис жамоасига; II - ўрин – Самарқанд филиали жамоаси вакиллари; I - ўрин – Андижон филиали жамоасига насиб қилди.

Спортнинг шахмат тури бўйича, III - ўрин – “Дархон” филиали шахматчиларига, II - ўрин – Бош офис жамоаси шахматчиларига ҳамда Самарқанд филиали шахматчилари I - ўринни эгаллашга муваффақ бўлишди.

Эркеклар ўртасида ўтказилган волейбол мусобақасида, III - ўрин – Андижон филиали жамоаси вакиллари, II - ўрин – Термиз филиали жамоаси вакиллари ва I - ўрин – Бош банк жамоасига насиб этди.

Аёллар ўртасида ўтказилган волейбол ўйинларида эса ғолиблик Термиз филиали жамоаси спортчи қизларига насиб қилди. II - ўринни Наманган филиали жамоаси ва III - ўринни Андижон филиали вакиллари эгаллашди.

Мини-футбол ўйинларида банкнинг Қарши филиали футболчилари ўта шижоатли тайёргарлик кўрганликлари уларнинг I - ўринни эгаллашга муяссар қилди. II - ўринни Андижон филиали ҳамда III - ўринни Наманган жамоаси эгаллади.

Баллар бўйича ҳисобланганда Бош офис жамоасининг волейболчилари олий совринга сазовор деб топилди. Жамоаларга кубок ва қимматбаҳо эсдалик совғалари топширилди.

Хуллас, дўстона руҳда ўтган қизиқ мусобақалар ҳеч кимни бефарқ қолдирмади. Ёшлар ўзларида бор маҳорат ва иродани, чидам ва чакқонликни, қолаверса ғалаба сари бўлган шижоатни тўла намойиш эта олдилар.

Сабоҳат ХАЙИТҚОРИЕВА

ҲУРМАТЛИ ГАЗЕТХОНЛАР, “БАНК АХБОРОТНОМАСИ” ВА “БАНКОВСКИЕ ВЕСТИ” ГАЗЕТАЛАРИГА ОБУНА ДАВОМ ЭТМОҚДА!

Сиз газетга обуна бўлишга улгурмаган ёки қисқа муддатга обуна бўлган бўлсангиз, нашримизнинг расмий сайти – www.banknews.uz орқали шартномани тўлдириб, таҳририят манзилига юборишингиз мумкин.

“Ўзбекистон почтаси” ва “Матбуот тарқатувчи” агентлигининг ҳудудий бўлимлари орқали расмийлаштириш ёки фақат таҳририят билан шартнома тузган хусусий ташкилотлар билан обунани ташкил этиш йил давомида газеталаримизни ўз вақтида олишингизни кафолатлайди.

ХУСУСИЙ ОБУНА АГЕНТЛИКЛАРИНИНГ ТЕЛЕФОН РАҚАМЛАРИ:

Қорақалпоғистон Республикаси

“МАТБУОТ SERVIS” МЧЖ – (97-358-57-57)

Хоразм вилояти

“ЛИДЕР ПРЕСС” МЧЖ – (71-244-33-63)

Бухоро вилояти

“МАТБУОТ SERVIS” МЧЖ – (97-358-57-57)

Жиззах вилояти

“МАТБУОТ TONGI” МЧЖ – (91-599-58-98)

Навоий вилояти

“МАТБУОТ SERVIS” МЧЖ – (97-358-57-57)

Қашқадарё вилояти

“МАТБУОТ SERVIS” МЧЖ – (99-603-03-68)

Наманган вилояти

“МАТБУОТ SERVIS” МЧЖ – (99-603-03-68)

“МАТБУОТ SERVIS” МЧЖ – (90-532-93-39)

Сирдарё вилояти

“СИРДАРЁ МАТБУОТ ХИЗМАТИ” – (97-277-27-72)

Сурхондарё вилояти

“SURXON MATBUOT NASHRLARI” МЧЖ – (91-586-70-00)

Тошкент шаҳри ва Тошкент вилояти

“KALEON INFORM” МЧЖ – (71-267-18-94)

“ЛИДЕР ПРЕСС” МЧЖ – (71-244-33-63)

“МАТБУОТ SERVIS” МЧЖ – (71-244-19-63)

“ТОШКЕНТ МАТБУОТ” – (97-156-22-77)

Самарқанд вилояти

“ТОШКЕНТ ЖАҲОН ЗИЁ” – (97-922-02-33)

Фрғона вилояти

“ФАЗО ИНФО” МЧЖ – (90-560-55-95)

АЗИЗ МУШТАРИЙЛАР!

Банк, бизнес ва иқтисодиёт соҳаларига доир батафсил маълумотларни фақат бизнинг газетамиздан ўқиш мумкинлигини унутманг!

Обуна бўйича
муружаат учун

Тел.:

(998) 97 776 60 18

71 234 43 18

Факс:

(998) 71-234-43-18.

E-mail:

info@banknews.uz

ОБУНА
ИНДЕКСИ-102

БАНК АХБОРОТНОМАСИ

АХБОРОТ-ТАҲЛИЛИЙ ГАЗЕТА

ҲАМКОРЛАРИМИЗ ВА МУАССИС

Ўзбекистон Республикаси
Марказий банки

Ўзбекистон Республикаси Банк-молия
академияси

“Moliya yangiliklari agentligi” МЧЖ

Директор
Ўқтам АБДУЛЛАЕВ

Бош муҳаррир
Бобур МУҲАММАДИЕВ

Бош муҳаррир ўринбосари
Умида ХУДОЙБЕРГАНОВА

Обуна ва реклама учун

Тел: 99897 776 60 18

71 234 43 18

Факс: 71 234 43 18

Нашр индекси-102.

Ахборот кўмағи
Ўза, “Norma Hamkor” МЧЖ

Таҳририят манзили:

100060. Тошкент ш., Шахрисабз кўчаси,
23-уй e-mail: bankaxborotnomasi@mail.ru,
www.banknews.uz телеграм каналимиз

@bank_axborotnomasi

Чоп этишга тайёрловчи: “Moliya yangiliklari agentligi” МЧЖ

Газета таҳририятнинг техник ускуналарида
саҳифаланди.

Таҳририятнинг фақат ёзма розилиғи билан “Банк ахборотномаси” да эълон қилинган материалларни қўчириб босишга ижозат берилди. Қўлёзмалар тақриз қилинмайдиган ва қайтарилмайдиган. Газета Ўзбекистон Матбуот ва ахборот агентлиги томонидан 2012 йил 10 январда 0065-тартиб рақами билан рўйхатга олинган. Газета ҳафтада бир марта – пайшанба кўни чиқади.

Буюртма № г 1003

Адади 1719 нуска

Нархи шартнома асосида.

Газета А3 ҳажмида, 3 шартли босма табакда чоп этилди. Босишга рухсат этилди: 2.10.2019 й.

12345

“Шарқ” нашриёт-матбаа акциядорлик компанияси босмахонасида чоп этилди. Корхона манзили: Тошкент ш. Буюк Турон кўчаси, 41-уй.